



07217

通典卷第十一

唐 京兆杜佑



食貨十一

鬻爵 漢 後漢 晉 後魏 大唐

漢孝文時晁錯說上曰欲人務農在於貴粟貴粟之道

在於使人以粟為賞罰今募天下入粟縣官得以拜爵

得以除罪如此富人有爵農人有錢粟有所渫 渫散也先列反

夫能入粟以受爵皆有餘者也取於有餘以供上用則

貧人之賦可損所謂以有餘補不足令出而人利者也

順於人心所補者三一日主用足二日人賦少三日勸

通典 卷十一

食貨十一

一

農功爵者上之所擅出於口而無窮粟者人之所種生

於地而不乏夫得高爵與免罪人之所甚欲也使天下

入粟於邊以受爵免罪不過三歲塞下之粟必多矣於

是從錯言令人入粟邊六百石爵上造 第二等爵 稍增至四

千石為五大夫 第九等爵 萬二千石為大庶長 第十八等爵 各以

多少級數為差錯復奏言陛下幸使天下入粟塞下以

拜爵甚大惠也竊恐塞卒之食不足用大漂天下粟邊

食足支五歲可令人粟郡縣矣 入諸郡縣以備凶災 足支一歲以

上可時赦勿收農人租如此德澤加於萬人矣從之孝

景時上郡以西旱復修賣爵令而裁其價以招人 裁謂減省

及徒復作得輸粟於縣官以除罪孝武元朔元年外事
四夷內興功利國用空竭乃募人能入奴婢得以終身
復爲郎增秩及入羊馬爲郎始於此五年有司議令人
得買爵及贖禁錮免臧罪請置賞官名曰武功爵

茂陵書中

有武功爵一級曰造士二級曰開與衛三級曰良士四
級曰元戎士五級曰官首六級曰秉鐸七級曰千夫八
級曰樂卿九級曰執戎十級曰政戾庶長十一級曰軍
衛此武帝所制以寵軍功也顏師古云此下云級十七
萬凡直三十餘萬金所引茂陵書止十一級則計級十
數不足與本文乖矣或者茂陵書說之不盡乎

七萬凡直三十餘萬金諸買武功爵官首者試補吏先

除千夫如五大夫

五大夫舊二十等爵之第九級也至此以上始免徭役故每先選以爲吏

千夫者武功十一等爵之第七也亦得免役今則先除爲吏比於五大夫也

其有罪又減二

通典

卷二

食貨十一

二

等爵得至樂卿

樂卿者武功爵第八言買爵唯得至第八

以崇軍功軍功多

用超等大者封侯卿大夫小者郎吏道雜而多端則官

職耗廢矣元鼎初豪富皆爭匿財不助縣官唯卜式數

求人財天子乃超拜式爲中郎賜爵左庶長田十頃告

天下以風百姓始令吏得入粟補官郎至六百石後桑

弘羊請令民得入粟補官及罪人贖令民能入粟甘泉

各有差以復終身所忠又言世家子弟富人或鬪雞走

狗弋獵博戲亂齊人乃徵諸犯令相引數千人名曰株

送徒入財者得補郎○後漢孝安永初三年天下水旱

用度不足三公奏請令吏人入穀得關內侯靈帝懸鴻

都之榜開賣官之路公卿以降悉有等差廷尉崔烈入錢五百萬以買司徒其子鈞曰大人不當爲三公論者嫌其銅臭凡刺史二千石遷除皆責助理宮室錢大都至二三千萬錢不畢至自殺羊續爲太尉時拜三公者輸東園禮錢千萬令中使督之名爲左騶其所往輒迎致禮厚加贈賂續乃坐使人於單席上舉緼袍以示之○晉武帝太康三年問劉毅曰卿以吾可方漢何主也對曰桓靈之主帝曰吾雖德不及古人猶克已爲理南平吳會一同天下方之桓靈不亦甚乎對曰桓靈賣官錢入官庫陛下賣官錢入私門以此言之乃不如也○

通典

卷十一

食貨十一

三

後魏明帝孝昌二年初承喪亂之後倉廩虛罄遂班入粟之制輸粟八千碩賞散侯六千碩散伯四千碩散子三千碩散男職人輸七百碩賞一大階授以實官白人輸五百碩聽依第出身千碩加一大階諸沙門有輸粟四千碩入京倉者授本州統各有差○大唐至德二年七月宣諭使侍御史鄭叔清奏承前諸使下詔納錢物多給空名告身雖假以官賞其惠義猶未盡才能今皆量文武才藝兼情願穩便據條格擬同申奏聞便寫告身諸道士女道士僧尼如納錢請準敕廻授餘人并情願還俗授官勳邑號等亦聽如無人廻授及不願還俗

者準法不合畜奴婢田宅資財既助國納錢不可更拘
常格其所有資財能率十分納三分助國餘七分並任
終身自蔭身歿之後亦任廼與近親又準敕納錢百千
文與明經出身如曾受業粗通帖策修身慎行鄉曲所
知者量減二十千文如先經舉送到省落第灼然有憑
帖策不甚寥落者減五十千文若粗識文字者準元敕
處分未曾讀學不識文字者加三十千應授職事官并
勳階號及贈官等有合蔭子孫者如戶內兼蔭丁中三
人以上免課役者加一百千文每加一丁中累加三十
千文其商賈準令所在收稅如能據所有資財十分納

通典

卷十一

食貨十一

四

四助軍者便與終身優復如於敕條外有悉以家產助
國嘉其竭誠待以非次如先出身及官資並量資歷好
惡各據本條格例節級優加擬授如七十以情願授致
仕官者每色內量十分減二分錢時屬幽寇內侮天下
多虞軍用不充權為
此制尋
卽停罷

榷酤

漢

陳

隋

大唐

漢孝武天漢三年初榷酒酤韋昭曰以木度水曰榷謂
禁人酤釀獨官開置如道
路木爲榷者獨取利顏師古曰榷者步渡橋爾雅謂之
石杠今之路衍是也禁開其事總利入官而下無由以
得若渡水之
榷衍音酌孝昭始元末丞相車千秋奏罷酒酤賣酒
斗四錢孝元時賈捐之上書曰昔孝文時天下人賦四

十丁男三年而一事今天下人賦數百造鹽鐵榷酒之利以佐用度猶不能足而人困矣王莽時羲和魯匡言名山大澤鹽鐵錢布帛五均賒貸榷在縣官榷謂土領之音管

唯酒酤獨未幹酒者天之美祿帝王所以頤養天下享

祀祈福扶衰養疾百禮之會非酒不行故詩曰亡酒酤

我酤買也言王於族人恩厚要在燕飲無酒則買而飲之也論語云酤酒市脯不食

二者非相反也夫詩據承平之代酒酤在官和旨便人

可以相御也旨美也御進也論語孔子當周衰亂酒酤在人薄

惡不誠是以疑而弗食今絕天下之酒則無以行禮相

養放而無限則費財傷人請法古令官作酒以二千五

通典

卷十一

食貨十一

五

百石爲一均率開一壚以賣壚賣酒之區也以其一邊高形如壚故取其名也

月讎五十釀爲準一餼用粗米二斛麴一斛得成酒六

斛六斗各以其市月朔米麴三斛并計其價而參分之

參以其一爲酒一斛之平除米麴本價計其利而什分

之以其七入官其三及糟馱灰馱酢漿也馱才代反給工器薪

樵之費而人愈怨○陳文帝天嘉中虞荔等以國用不

足奏請榷酤從之○隋文帝開皇三年罷酒坊與百姓

共之○大唐廣德二年十二月敕天下州各量定酤酒

戶隨月納稅除此外不問官私一切禁斷大歷六年二

月量定三等逐月稅錢並充布絹進奉建中三年制禁

人酤酒官司置店收利以助軍費

算緡 漢晉以後

漢孝武元狩四年自作皮幣鑄白金後商賈以幣之變多積貨逐利於是公卿言商賈滋衆貧者蓄積無有皆

仰縣官異時算輶車賈人緡錢皆有差請算如故 緡絲也

賈錢一貫千錢出二十為算 也詩云維絲伊緡輶小車 諸賈人末作賈貨賣買居

邑貯積諸物 賈賒也 及商以取利者雖無市籍各以其

物自占 占隱度也各隱度其財物多少而為名簿送之於官也占音之贖反 率緡錢二千

而算一 率計有二千錢者則出一算也 諸作有租及鑄 以手力所 率緡

錢四千算一非吏比者二老北邊騎士輶車一算 比例也身

通典 登土 食貨十一 六

非為吏之例非為三老非為北邊 商賈人輶車二算 商賈

人有輶車又使多出二算重其賦也 船五丈以上一算匿不自占占不悉

成邊一歲沒入緡錢 悉盡也 有能告者以其半畀之 有不輸稅

者令人得告 天子既下緡錢令而尊卜式百姓終莫分

財佐縣官於是楊可告緡徧天下 楊可入姓名按義縱傳云時楊可方受告

緡縱以為此亂人部吏捕其為可使者楊可據令而發

動之故天下皆被告也商賈居積及工巧之家非桑農

書有緡田奴婢是也 中家以上大抵皆遇告有司理之

獄少反者 理匿緡獄少有反者 乃分遣御史廷尉正監

分曹 分曹言曹輩 往往即理郡國緡錢 就其所在 得民

財物以億計奴婢以千萬數田大縣數百頃小縣百餘

頃宅亦如之於是商賈中家以上大抵破人偷甘食好衣不事蓄藏之產業而縣官以鹽鐵緡錢之故用少饒矣初大農管鹽鐵官布多置水衡欲以主鹽鐵及楊可告緡上林財物衆乃令水衡主上林上林既充滿益廣乃分緡錢諸官而水衡少府大農太僕各置農官往往卽郡縣比沒入田田之卽就也比謂比者沒入也其沒入奴婢分諸苑養狗馬禽獸及與諸官官益雜置多謂新置官員分掌徒奴婢衆而下河漕度四百萬碩及官自糴乃足其後令吏

得入粟補官及罪人贖入粟甘泉不復告緡○晉自過

江至於梁陳凡貨賣奴婢馬牛田宅有文券率錢一萬

通典

卷七

食貨十一

七

輸估四百入官賣者三百買者一百無文券者隨物所堪亦百文收四名爲散估歷宋齊梁陳如此亦爲常以人競商販不爲田業故徒均輸欲爲懲勵雖以此爲辭其實利在侵削此亦算緡之類

雜稅

漢 後漢

隋

宋 齊

東晉

後魏

北齊

漢高帝十一年令諸侯常以十月朝獻及郡各以其口數率人歲六十三錢以給獻費孝武元光六年冬初算

商車

始稅商賈船車令出算也

太初四年冬行回中徙弘農都尉理

武關稅出入者以給官吏卒食孝昭元鳳六年令郡國

無斂今年馬口錢

往時有馬口出斂錢今省之武帝時租及六畜

宣帝時耿壽

昌奏請增海租三倍天子從其計御史大夫蕭望之奏言故御史屬徐宮御史大夫屬也家在東萊言往年加海租魚

不出長老皆言武帝時縣官嘗自漁海魚不出後復與

民魚乃出夫陰陽之感物類相應萬事盡然宜且如故

上不聽王莽令諸取鳥獸魚鼈百蟲於山林水澤及畜

牧者嬪婦桑蠶織紉績補縫工匠醫巫卜祝及他方

技商販賈人坐肆列里區謁舍區謁舍若客館皆各自占所為

於其在所之縣官除其本計其利十一分之以其一

為貢末年盜賊羣起匈奴侵寇大募天下囚徒人名曰

豬突豨勇一切稅吏人貲三十而取一○後漢靈帝時

通典 卷十一

食貨十一

南宮災中常侍張讓趙忠等說帝令斂天下口四十錢

以治宮室蜀李雄薄賦口出錢四十文巴人謂賦為實賞之名舊焉賦錢四十則始於李雄也○

宋元嘉二十七年後魏南侵軍旅大起用度不充王公

妃主及朝士牧守各獻金帛等物以助國用下及富室

小人亦有獻私財數千萬者揚南徐兗江四州富有之

家貲滿五十萬僧尼滿二十萬者並四分借一過此率

計事息即還○齊武帝時王敬則為東揚州刺史在今會稽

郡以會稽邊帶湖海人無士庶皆保塘陂敬則以功力

有餘悉課斂為錢以送臺庫帝納之竟陵王子良上表

曰臣忝會稽粗閑物俗塘丁所上本不入官良由陂湖

宜壅橋路須通均夫訂

隋頂反

直人自爲用若甲分毀壞

則年一脩改乙限堅完則終歲無役今乃通課此直悉以還臺租賦之外更生一調致令塘路崩蕪湖源洩散害人損政實此爲劇建元初軍用殷廣浙東五郡丁稅一千乃質賣妻子以充此限所逋尙多尋蒙蠲原而此年租課三分逋一明知徒足擾人實自弊國愚謂課塘丁一條宜還復舊○自東晉至陳西有石頭津東有方山津各置津主一人賦曹一人直水五人以檢察禁物及亡叛者荻炭魚薪之類出津者並十分稅一以入官淮水北有大市自餘小市十餘所備置官司稅斂旣重

通典

卷二十一

食貨十一

九

時甚苦之○後魏明帝孝昌二年稅入市者人一錢其店舍又爲五等收稅有差○北齊黃門侍郎顏之推奏請立關市邸店之稅開府鄧長顥贊成之後主大說於是以其所入以供御府聲色之費軍國之用不在此焉稅僧尼令曰僧尼坐受供養游食四方損害不少雖有薄斂何足怪也○後周閔帝初除市門稅及宣帝卽位復興入市之稅每人一錢○隋文帝登庸又除入市之稅○大唐開元十八年御史大夫李朝隱奏請薄百姓一年稅錢充本依舊令高戶及典正等捉隨月收利將供官人料錢

自天寶末年盜賊奔突克復之後府庫一空又所在屯師用度不足於是遣御史康

雲開出江淮陶鏡往蜀漢豪商富戶皆籍其家資所有
貨則畜產或五分納一謂之率貨所收巨萬計蓋權時
之宜其後諸道節度使觀察使多率稅商賈以充軍資
雜用或於津濟要路及市肆間交易之處計錢至一千
以上皆以分數稅之自是商旅無利多失業矣上元中
赦江淮堰塘商旅牽錢每過處準斛納錢謂之球程大歷
初諸州府應稅青苗錢每畝十文充百司工力資課三
年十月十六日臺司奏緣兵馬未散百司支計不給每
畝更加
貞元九年制天下出茶州商人販者十分稅一
五文

平準 均輸附○周 漢 後漢

周制司市掌市之理教政刑量度禁令鄭元曰量豆區

尺以次敘分地而經市次謂吏所治舍思次介次也若

以陳肆辨物而平市陳猶列也辨物物異以政令禁物

靡而均市物靡者易售而無用禁之以商賈阜貨而行

通典 卷十一 食貨十一 十

布通物曰商居賣以量度成賈而徵債徵召債買也物

來價曰賈阜猶盛也以質劑結信而止訟質劑謂兩書一札而別之若

音響以質小市以以賈人禁偽而除詐賈人胥師賈師之屬

劑音子隨反以泉府同貨而斂賒同共也同者謂人貨不

與實詐爾以泉府同貨而斂賒售則為斂而買之人無

貨則賒賈而與之大市日仄而市百族為主朝市朝時而市商

賈為主夕市夕時而市販夫販婦為主仄日跌也市者

者謂其多者百族謂百姓也必容來去商賈家於城市

販夫販婦朝資夕賣因其便而分爲三時之市所以了

物極凡理市之貨賄六畜珍異亡者使有利者使阜害

者使亡靡者使微利利於人謂物實厚者也害害於人

微之也使亡使微抑其賈以節之也侈靡細好使富人

好奢微之而已鄭衆云亡者使有無此物則開利其道

使之凡通貨賄以璽節出入之璽即印章如今斗檢封

有內貨賄者邦國之司市也以國凶荒札喪則市無征而作

布有災害物貴市不可以稅為人乏困也凡市偽飾之

禁在人者十有二在商者十有二在買者十有二在工

者十有二鄭元曰王制云用器不中度兵車不中度布帛精麤不中數幅之廣狹不中量姦色亂正

色五穀不時果實未熟木不中伐禽獸魚鼈不中殺皆不鬻於市亦其類也於四十八則未聞焉賈師

掌其次之貨賄之理辨其物而均平之展其成而奠其

賈然後令市凡天患禁貴債者使有恆賈恆常也謂若貯米穀棺木

而觀久雨而有疫病者也貴賣之因四時之珍異亦如

災害阨人使之重困故令有常賈也薦宗廟之物也○漢武帝征伐四夷國用空竭興利之臣自

通典卷工食貨十一十一

此始也桑弘羊為大農中丞管諸會計事稍稍置均輸

以通貨物矣謂諸當所輸於官者皆令輸其土地所饒

便而官有利漢書百官表大司農屬有平準令元封元年弘羊為治粟都尉領

大農盡管天下鹽鐵以諸官各自市相與爭物以故騰

躍而天下賦輸或不償其餼費乃請置大農部丞數十

人分部主郡國各往往置均輸鹽鐵官令遠方各以其

物如異時商賈所轉販者為賦而相灌輸置平準於京

師都受天下委輸召工官理車諸器皆仰給大農大農

諸官盡籠天下之貨物貴則賣之賤則買之如此富商

大賈無所牟大利牟取則反本而萬物不得騰踊故抑

也

天下之物名曰平準天子以爲然而許之時南越初置郡數反發南方吏卒往誅之間歲萬餘人帝數行幸所過賞賜用帛百餘萬疋錢金以鉅萬計皆取足大農諸均輸一歲之中帛得五百萬疋人不益賦而天下用饒孝昭卽位霍光輔政令郡國舉賢良文學之士使丞相御史相與語問以人所疾苦文學曰理人之道防淫佚之原廣教道之端抑末利而開仁義無示以利然後教化可興風俗可移也今郡國有均輸與人爭利散敦厚則人侈本修則人懿懿則財用足侈則饑寒生願罷均輸以進本退末大夫曰匈奴背叛數爲寇暴備之則勞中國不備則侵盜不止先帝哀邊人之愁苦爲虜所俘乃脩障塞飾烽燧屯戍以備之邊用不足故置均輸蕃貨長財以助邊費今議者欲罷之是內空府庫之藏外乏執備之用罷之不便夫國有沃野之饒而人不足於食者器械不備也有山海之貨而人不足於財者商工不備也隴西之丹砂毛羽荆揚之皮革骨象江南之枳梓竹箭燕齊之魚鹽氈裘兗荆河之漆絲絺紵養生奉終之具也待商而通待工而成故聖人作爲舟楫之用以通川谷服牛駕馬以達陵陸致遠窮深所以交庶物

而便百姓也文學曰有國有家者不患貧而患不安故天子不言多少諸侯不言利害大夫不言得失蓄仁義以風之勵德行以化之是以近者親附遠者說德王者行仁政無敵於天下惡用費哉夫道人以德則人歸厚示人以利則人俗薄俗薄則背義而趨利趨利則百姓交於道而接於市夫排困市井防塞利門而民猶爲非況上爲之利乎傳曰諸侯好利則大夫鄙大夫鄙則士貪士貪則庶人盜是開利孔爲人罪梯也夫古之賦稅於人也因其所工不求其拙農人納其穫工女效其織今釋其所有責其所無百姓賤賣貨物以便上求閒者郡國或令作布絮吏恣留難與之爲市吏之所入非獨濟陶之縑蜀漢之布也亦人間之所爲耳行姦賣平農人重苦女工再稅未見輸之均也縣官猥發闔門擅市則萬物竝收竝收則物騰踊騰踊則商賈牟利自市則吏容姦豪吏富商積貨儲物以待其急輕買姦吏收賤以取貴未見準之平也蓋古之均輸所以齊勞逸而便貢輸非以爲利而賈物也大夫曰往者郡國諸侯各以其物貢輸往來煩難物多苦惡不償其費故郡置輸官以相給運而便遠方之貢故曰均輸開委府於京師以籠貨物賤則買貴則賣是以縣官不失實商賈無所牟

利故命曰平準準平則民不失職均輸則人不勞故平
準均輸所以平萬物而便百姓也古之立國家者開本
末之塗通有無之用故易曰通其變使人不倦故工不
出則農用乏商不出則寶貨絕農用乏則穀不殖寶貨
絕則財用匱故均輸所以通委財而周緩急是以先帝
開均輸以足人財王者塞兼并禁關市執準守時以輕
重御人豐年則貯積以備乏絕凶年歲儉則行幣物流
有餘而拯不足也往時戰士或不得祿今山東被災賴
均輸之蓄倉廩之積戰士以奉饑人以振故均輸之蓄
非所以賈萬人而專奉兵師之用亦所以振困乏而備

通典

卷十一

食貨十一

五

水旱也古之聖賢理家非一室富國非一道理家養生
必於農則舜不甄陶而伊尹不爲庖故善爲國者以末
易本以虛易實今山澤之材均輸之藏所以御輕重而
役諸侯也司馬遷曰夫山西饒林竹穀纊旄玉石穀纊
芋屬
可以爲布旄纊山東多魚鹽漆絲聲色江南多柑棗薑
之屬音盧桂金錫連音蓮鉛之未鍊者丹砂犀象瑇瑁珠璣齒革龍門碣
石北多馬牛羊旃裘筋角銅鐵則千里往往山出碁置
此其大較也皆中國人所喜好謠俗被服飲食奉生送
死之具也故待農而食之虞而出之工而成之商而通
之此寧有政教發徵期會哉人各任其能竭其力以得

所欲故物賤之徵貴貴之徵賤各勸其業樂其事若水之趨下日夜無休時不召而自來不求而人出之豈非道之所符符謂合於道也而自然之驗邪周書曰農不出則乏

其食工不出則乏其事商不出則三寶絕虞不出則財匱少而山澤不辟矣此四者人所衣食之原也原大則饒原小則鮮上則富國下則富家貧富之道莫之奪予

巧者有餘拙者不足也越王句踐用范蠡計然計然蠡師文子

計然曰知鬪則修備時用則知物二者形則萬貨之情可得而觀已故歲在金穰水毀木饑火旱旱則資舟水則資車物之理也六歲穰六歲旱十二歲一大饑夫糶

通典

卷工

食貨十一

五

二十病農九十病末末病則財不出農病則草不闢矣上不過八十下不減三十則農末俱利平糶齊物關市不乏理國之道也論其有餘不足則知貴賤貴上極則反賤賤下極而反貴貴出如糞土賤取如珠玉財幣欲其行如流水魏文侯時李悝務盡地方而白圭樂觀時變故人棄我取人取我予夫歲熟取穀與之絲漆繭出取帛絮與之食率歲倍欲長錢取下穀長石斗取上種能薄飲食忍嗜欲節衣服與用事僮僕同苦樂趨時若猛獸鷙鳥之發故曰吾理生產猶伊尹呂尚之謀國孫吳之用兵商鞅之行法也自沂雍以東至河華膏壤沃

野千里自虞夏之貢以爲上田而公劉適邠太王王季

在岐文王作鄴武王都鎬故其人猶有先王之遺風好

稼穡殖五穀及秦文繆居雍邠音邠地居隴蜀之關要故曰邠邠爲要路之間

隴蜀之貨物而多賈獻孝徙櫟邑左馮北鄰戎翟東通

三晉武昭理咸陽因以漢都長安諸陵四方輻輳並至

而會地小人衆故其人益玩巧而事末南則巴蜀巴蜀

亦沃野地饒厄薑丹砂石銅鐵印都出銅臨印出鐵竹木之器南

御滇夔滿北反夔僮西近印竿右各反竿馬旄牛然四塞棧

道千里無所不通唯褒斜綰轂其口在漢中以所多易所

鮮天水隴西北地上郡與關中同俗然西有羌中之利

通典 卷十一

食貨十一

五

北有戎狄之畜畜牧爲天下饒然地亦窮險唯京師要

其道故關中地於天下三分之一而人衆不過什三然

量其富什居其六昔唐人都河東堯都晉陽也殷人都河內

周人都河南夫三河在天下之中若鼎足王者所更居

也建國各數百千歲土地小民人衆都國諸侯所聚會

故其俗纖儉習事楊平陽楊及平陽在趙之西陳西賈秦翟北賈

種代石北也石邑縣在常山地邊胡數被寇人矜懞伎懞音冀伎音之

致反今以土名好氣任俠爲姦不事農商然迫近北夷

強直爲懷中反師旅亟往中國委輸時有奇羨其人羯獍不均羯九竭反獍音

羊名肥皆健自全晉之時已患其僇匹鈔反悍而武靈王益厲

之其謠俗猶有趙之風也諺曰百里不販樵千里不販
糴居之一歲種之以穀十歲樹之以木百歲來之以德
德者人物之謂也今有無秩祿之奉爵邑之入而樂與
之比者命曰素封封者食租稅歲率戶二百千戶之君
則二十萬朝覲聘享出其中庶民農工商賈率亦歲萬
息二千百萬之家即二十萬而更繇租賦出其中衣食

之欲恣所好美矣故曰陸地牧馬二百蹏

五十匹

牛千蹏

角百六十七頭馬貴而牛賤以此為率

千足羊十頭

澤中千足氈水居

千石魚陂魚以斤兩為計

山居千章之楸

楸本所以為輶也音秋

安邑千

樹棗燕秦千樹栗蜀漢江陵千樹橘淮北常山以南河

通典

卷七

食貨十一

七

濟之間千樹楸陳夏千畝漆齊魯千畝桑麻汧渭川千

畝竹及名國萬家之城帶郭千畝畝鍾之田

六斛四斗

若干

畝厄菑

音倩其花染繪赤黃色

千畦薑韭

千畦二十五畝畦猶隴也

此其人皆

與千戶侯等然是富給之資也不窺市井不行異邑坐

而待收身有處士之義而取給焉若至家貧親老妻子

輒弱歲時無以祭祀進釀

渠略反徐廣曰會聚飲食

飲食被服不足

以自通如此不慙恥則無所比矣是以無財作力少有

鬪智既饒爭時此其大經也今理生不待危身取給則

賢人勉焉是故本富為上末富次之姦富最下無巖處

奇士之行而長貧賤好語仁義亦足羞也凡編戶之人

富相什則卑下之伯則畏憚之千則役萬則僕物之理也夫用貧求富農不如工工不如商刺繡文不如倚市

門此言末業貧者之資也通邑大都酤一歲千釀醯醬

千坭長頸漿千甌甌缶也屠牛羊彘千皮穀糶千鍾薪

橐千車船長千丈木千章漢書音義曰洪洞方言章材也舊將作大匠掌材者曰章

曹掾竹竿萬箇其輶車百乘馬車牛車千兩木器髮徐廣

曰音休者千枚銅器千鈞二十斤素木鐵器若卮茵千

石石百二十斤馬蹏蹏音口牛千足羊彘千隻僮

手指千僮奴婢古者無空手皆有作務務須手故曰手指以別馬牛蹏角也筋角丹砂千

斤其帛絮細布千鈞文采千疋榻布皮革千石榻音土合反榻

通典卷七十一食貨十一

布白漆千斗或作合器名有甌孫叔敖

甌也鮐鮓千斤鮐音台鮓音自鮓千石鮑千鈞鮓音在棗栗千

石者三之狐貂裘千皮羔羊裘千石旃席千具他果菜

千種子貨金錢千貫節畷會畷音祖即反畷儉也節節

於千乘貪賈三之廉賈五之貪賈未當賣而賣未可買

廉賈貴乃賣賤此亦比千乘之家其大率也吳楚七國

乃買故十得五兵起時長安中列侯封君從軍旅齎貸子錢子錢家以

爲侯邑國在關東關東成敗未決莫肯與唯無鹽氏出

捐千金貸其息什之三月吳楚平一歲之中則無鹽氏

息什倍用此富埒關中關中宿商大賈大底盡諸田田

齋田藺韋家栗氏安陵杜杜氏

安陵及杜二縣各有杜也亦巨萬此

其章章尤異者也皆非有爵邑俸祿弄法犯姦而富也盡推理去就與時俯仰獲其贏利以末致財用本守之

以武一切用文持之變化有槩故足術也若至力農畜工虞商賈爲權利以成富不可勝數夫織嗇箸力理生

之正道也而富者必用其奇勝田畝抽業也而秦陽以蓋一州掘冢姦事也而田叔以起博戲惡業也而稽發

用之富行賈丈夫賤行也而雍樂成以饒販脂辱處也而雍伯千金

雍一作翁

賣漿小業也

而張氏千萬灑削薄技也

理刀

劍名

而郅氏鼎食

胃脯簡微也

而濁氏連騎馬醫淺

方也而張里擊鍾此皆誠一之所致也由是觀之富無

經業則貨無常主能者輻湊不肖者瓦解千金之家比一都之君巨萬乃與王者同樂豈所謂素封者耶非也

王莽篡位國師公劉歆言周有泉府之官收不售與欲得言賣不售者官爲收取之

無而欲得者官出與之易所謂理財正辭禁人爲非者也莽乃下詔曰夫周禮有餘貸

凡除者祭祀無過旬日喪紀無過三月民之貸者與其有司辨而授之以

國服爲之息謂人以祭祀喪紀之從官除買物不過旬日及三月而償之其從官貨物者共其所屬吏定價而

後與之各以其於國服事之稅而輸息也謂若受園廬之田而貸萬錢者一周之月

樂語五均樂語樂元語河出息五百也貸音土得反問獻王所傳道五均事按其文天子取諸侯之二以立五均則市無二價四時常均強者不得困弱富者不得要貧則公家有

餘息恩及小人也傳記各有幹馬幹音管也今開賒貸張五均設諸

幹者所以齊衆庶抑兼并也遂於長安及五都立五均

官更名長安東西市令及洛陽邯鄲臨淄宛成都邯鄲郡今廣平郡縣臨淄故齊郡今北海郡縣宛今南陽縣兼洛陽成都所謂五都也市長皆為五

均司市東市稱京西市稱畿洛陽稱中餘四都各用東

西南北為稱皆置交易丞五人錢府丞一人工商能采

金銀銅錫登龜取貝者登進也龜有靈故言登也皆自占司市錢府

順時氣而取之各以其所采取之物自隱實於司市錢府也占音之贍反諸司市常

以四仲月實定所掌為物上中下之價各自用為其市

平無拘他所眾人買賣五穀布帛絲絲衣物周於人用

而不得者均官有以考檢厥實用其本價取之無令折

錢萬物邛貴過平一錢邛物價起也音五岡反則以平價賣與人

其價低賤減平者聽人自相與市以防貴庾者庾積也以防人積物待貴也

人欲祭祀喪紀而無用者錢府以所入工商之

賁但賒之但空也空賒與之不取利息祭祀無過旬喪紀無過三月

人或乏絕欲貸以理產業者均授之除其費計所得受

息無過歲什一均謂各依先後之次也除其費謂衣食之費已用者義和置命士

督五均六幹郡有數人皆用富賈洛陽薛子仲張長督

臨淄姓偉等姓姓名偉也乘傳求利交錯天下因與郡縣通

姦多張空簿簿計簿也府藏不實百姓愈病莽知人苦之復

下詔曰夫鹽食穀之將爲食穀之將帥酒百藥之長嘉會之好

鐵田農之本名山大澤饒衍之藏五均賒貸百姓所取

平仰以給贍仰音牛向反錢布銅冶通行有無備人用也此

六者非編戶齊人所能家作必仰於市雖貴數倍不得

不買豪人富賈即要貧弱先聖知其然也故幹之每一

幹爲設科條防禁犯者罪至死姦吏猾人竝侵衆庶各

不安生○後漢章帝時尙書張林上言宜自交趾益州

上計吏來市珍寶收採其利武帝所謂均輸也謂租賦并雇運

之直官總取而官轉輸於京故曰均輸詔議之尙書僕射朱暉奏曰按王

制天子不言有無諸侯不言多少食祿之家不與百姓

通典 卷十一

食貨十一

三

爭利今均輸之法與賈販無異鹽利歸官則下人窮怨
布帛爲租則利吏姦盜誠非明主所宜行帝不從其後

用度益奢

通典卷第十二

唐 京兆杜佑 君卿纂

食貨十二

輕重

平糶

常平

義倉

周

漢

後漢

晉

唐

太公為周立九府圖法

解在錢幣篇

太公退又行之於齊至

管仲相桓公通輕重之權曰歲有凶穰故穀有貴賤令

有緩急故物有輕重

上令急於求米則民重米緩於求米則民輕米所緩則賤所急則貴

人君不理則畜賈游於市謂賈人之多蓄積也乘民之不給百倍

其本矣

給足也

以故萬乘之國必有萬金之賈千乘之

通典

卷十二

食貨十二

一

國必有千金之賈者利有所并也國多失利則臣不盡

忠士不盡死矣計本量委則足矣

委積也

然而民有饑餓

者穀有所藏也

謂富人多藏穀也

民有餘則輕之故人君斂之

以輕民不足則重之故人君散之以重

民輕之時官為斂羅民重之時官

為散之時官

凡輕重斂散之以時即準平守準平使萬室之

邑必有萬鍾之藏藏鏹千萬

六斛四斗為鏹鏹錢貫

千室之邑必

有千鍾之藏藏鏹百萬春以奉耕夏以奉耘

奉謂供奉

未耜

器械種饌糧食必取贍焉故大賈畜家不得豪奪吾民

矣豪謂輕侮之

管子曰夫物多則賤寡則貴散則輕聚則重

人君知其然故視國之羨羨餘也不足而御其財物穀

賤則以幣與食布帛賤則以幣與衣視物之輕重而御

之以準故貴賤可調而君得其利則古之理財賦未有

不通其術焉穀賤以幣與食布帛賤以幣與衣者與當

賤由君上也周易損卦六五云或益之十朋之龜弗克

達元吉沙門一行注曰十朋者國之守龜象社稷之臣

能執承順之道以奉其君龜之為物則主人之重寶為

國之本損而奉上則國以之存損而益下則人以之存

明於法則調盈虛御輕重中和之要若伊尹太公管仲

之所執夫龜者上達神祇之情下乃不言而信於人也

斯故往者用之為幣齊桓公問於管子曰自燧人以來

則一行深知其道矣

其要會可得而聞乎對曰燧人以來未有不以輕重為

天下也共工之王帝共工氏繼水處什之七陸處什之

三乘天勢以隘制天下至於黃帝之王謹逃其爪牙不

通典卷五十二食貨十二

利其器藏祕鋒芒不以示人行機燒山林破增藪焚沛

澤沛大澤也一說逐禽獸實以益人然後天下可得而

牧也至於堯舜之王所以化海內者北用禹氏之玉禹

西北戎名南貴江漢之珠禽獸之仇以大夫隨之禽獸

者使其逐禽獸如從仇讎也以大夫隨之者使其公曰

大夫散邑粟財物隨山澤之人求其禽獸之皮何謂也對曰令諸侯之子將委質者諸國君之子若衛

季友皆以雙虎之皮雙虎之皮卿大夫豹飾卿大夫上大夫散其邑粟大夫也袖

與其財物以市虎豹之皮故山林之人刺取猛獸刺音

反若從親戚之仇此君冕服於朝而猛獸勝於外大夫

以散其財物萬人得受其流此堯舜之數也言堯舜常用此數

管子曰夫富能奪貧能與乃可以為天下富者能奪仰其利貧者能

瞻恤其乏乃可為君國有十年之蓄用之蓄積常餘十年而不足於食皆以

其技能冀君之祿也故人君挾其食據有餘而制不足

故人無不繫於上也食者人之司命言人君唯以食能制其事所以人無不繫於號令

且君引鋤鋤籌也丁劣反量用耕田發草上得其數矣人之所

食人有若干步畝之數計本量委積則足矣然而人有

饑餓不食音嗣者何也穀有所藏也言一國之內耕墾之數君悉知凡人計口

受田家族多少足以自給而人乏於食者謂豪富之家收藏其穀故然則人君不能散積

聚均羨餘也不足則君雖強本趨耕本則務農趨讀為促乃使人下

通典 卷十三 食貨十二 三

相役耳惡音烏能以為理人君不能散豪富之積均有餘以贍不足雖務農事督促播植

適所以益令豪富驅役細人終不能治管子曰利出於理所謂須有制度於其間兼輕重之術

一孔者凡言利者不必貨利慶賞威刑皆是其國無敵出二孔者其兵不

誦誦與屈同屈窮也求物反出三孔者不可以舉兵出四孔者其國

必亡先王知其然故塞人之養養利也羊向反隘其利途故予

之在君予音與奪之在君貧之在君富之在君故人之戴

上如日月親君若父母凡將為國不通於輕重不可以

守人不能調通人利不可以語制為大理分地若一疆

者能守分財若一智者能收智有什倍人之功以一愚取十愚

有不賡賡猶賞也音庚本之事然而人君不能調也夫人富則

不可以祿使也貧則不可以威罰也法令之不行萬人
之不理貧富之不齊也且天下者處茲行茲謂塞利途若此

而天下可一也夫天下者使之不使用之不用故善為
天下者無日使之使不得不使無日用之用不得不用

使其不知其所以然若巨橋之粟貴糶則設重泉成之類是故善為國者天下下我
高天下下輕我重天下多我寡然後可以朝天下常以數

服魯梁綈桓公問曰不藉而贍國為之有道乎管子曰
軌守其時有官天財何求於人秦春秦夏秦秋秦冬猶秦

也當令之所止令之所發謂山澤之所禁發也此物之高
下之時此人之所以相并兼之時也君素之為四備以

守之秦春人之且所用者秦夏人之且所用者秦秋人
之且所用者秦冬人之且所用者皆以廩之矣廩藏也言四時

人之所要皆先備之所謂耒耜器械種饌桓公曰行幣
糧食必取贍焉則豪人大賈不得擅其利管子

乘馬之數奈何即筐乘馬所謂篋乘馬者筐猶實也管子
對曰士受資以幣大夫受邑以幣人馬受食以幣則一

國穀貴在上幣貴在下國穀什倍數也皮革筋角羽毛
竹箭器械財物苟合於國器君用者皆有矩券於上矩券

常君實鄉州藏焉周制萬二千五百家為鄉二千五百家為州齊雖霸國尚用周制曰

某月日苟從責者責讀為債鄉決州決故曰就庸一日而決
國筭出於穀軌國之策貨幣乘馬者也貨價也言應合受公之所給皆

與之幣則穀之價君上權之其幣在下故穀倍重其有
皮革之類堪於所用者所在鄉州有其數若今官曹簿
帳人有負公家之債若未報種糧之類者官司如要其
用若皮革之類者則與其準納如要功庸者令就役一
日除其簿書耳此蓋君上一切權之也詳輕重之本旨
推抑富商兼并之家隘塞利門則與奪貧富悉由臆令
然可易爲理也此篇經秦焚書潛著人問自漢興臆賈
桑耿諸子猶有言其術者其後絕少尋覽無人注解或
編斷簡蟲或傳訛寫謬年代懸遠詳正莫由今且梗槩
意隨時制事其道無窮而況權權之術千變萬
化若一二模楷則同刻舟膠柱耳他皆類此 桓公問

於管子曰吾欲守國而無稅於天下而外因天下可乎

對曰昔武王有巨橋之粟貴糶之數武王既勝殷得巨橋粟欲使糶貴巨

橋倉在今廣平郡曲周縣也立重泉之戍戍名也假設成名欲人憚

令曰人自有百穀之粟者不行穀二十人舉所最粟舉

也最聚也通典 卷五十二 食貨十二 五以避重泉之戍而國穀二什倍巨橋之粟亦

二什倍武王以巨橋之粟二什倍而市繪帛軍五歲無

藉衣於人以巨橋之粟二什倍而衡黃金衡平終身無

藉於人桓公曰與天子提衡爭秩於諸侯提持也合衆

者謂之衡秩次也爲之有道乎管子曰唯藉於號令爲可請以

令發師置屯藉農屯戍也發師置戍十鍾之家不行六

爲鍾四斗百鍾之家不行千鍾之家不行行者不能百之一

千之十而困窳之數困卽倫反皆見於上矣君按困窳

之數令之曰國貧而用不足請以平價取之子皆按困

窳而不得挹損焉挹猶謂君直幣之輕重以決其數直

減其數

猶直

當也謂其積粟之數契券之債使無券契之責分之日券合之日契責讀曰債使百姓皆稱貸於君則無

之債則積藏困窮之粟皆歸於君桓公曰齊西水潦人

饑齊東豐庸而糴賤庸用也謂豐稔而足用欲以東之賤被西之

貴為之有道乎管子曰今齊西之粟五鍾為鬴百泉則鬴

二十也斗二升八合曰鬴鳥侯反泉錢也齊東之粟鬴十泉則鬴二錢

也請以令藉人三十泉得以五穀菽粟決其藉若此則

西出三斗而決其藉東出三鬴而決其藉然則鬴十之

粟皆實於倉廩西之人饑者得食寒者得衣若此則東

西之相被遠近之準平矣君下令稅人三十錢準以五穀令齊西之人納三斗東之

人納三鬴以賑西之人則東西俱平矣管子智用無窮以區區之齊匡天下本仁祖義成其霸業所行權術有

通典 卷十二 食貨十二 六

困而發非為常道故別篇云偏行而不盡也桓公曰糴賤寡人恐五穀之歸

於諸侯寡人欲為萬民藏之為此有道乎管子曰今者

夷吾過市有新成困京者二家太困曰京君請式壁而聘之

式用也壁石壁也聘問也使玉人刻石為壁尺萬泉八寸者八千七寸者七千是也賜之以壁仍存問之

令半年萬民舍其業而為困京以藏菽粟者過半管子

謂桓公曰北郊有堀闕得龜者堀穿也求物及穿地至泉曰闕求曰反此

檢數百里之地也檢猶比也以比龜為用令過之平盤

之中令力呈反過之猶置之也平盤者大盤也君請起十乘之使百金之提

起發也提裝也使色吏反賜若服中大夫若汝也中大曰東海之子

類於龜東海之子其狀類龜假言此龜東海之子耳東海之子者海神之子也託舍於若

託舍猶寄居也。以終而身也。而若勞若以百金也。勞賜之龜為無貴

之是也。是龜至寶而無貲也。無貲無價也。而藏諸泰臺。泰臺高臺也。立珤曰無貲

立龜為寶。還四年伐孤竹。還四年後四年。丁氏之家粟。丁氏齊之富人。

所謂丁可食三軍之師行五月。食音嗣。下以意取。行五月經五月。召丁

氏而命之曰：吾有無貲以珤。吾今將有大事，請以珤為

貲。音致。下皆同。以假子之邑粟。卽家粟也。丁氏北鄉，再拜革築室

賦藉藏龜。革更也。賦敷也。藉席也。才夜反。孤竹之役，丁氏之粟中食三

軍五月之食。中當也。丁仲反。下皆同。桓公曰：吾欲西朝天子而賀

獻不足為此，有數乎？管子曰：請以令城陰里。城者築城也。陰里齊

地也。使其牆三重而門九襲。襲重也。亦欲其事密而人不知。又先記其築城。因使

通典 卷三十一 食貨十二 七

玉人刻石為璧。刻石刻其美石。尺者萬泉，八寸者八千七寸者

七千珪，中四千。丁仲反。瑗中五百。好倍肉。瑗曰瑗。璧之數已具。管

子西見天子曰：弊邑之君欲率諸侯而朝先王之廟，觀

於周室，請以令使天下諸侯不以彤弓石璧者。彤弓朱弓也。非

齊之所出，蓋不可獨言石璧兼以彤弓者，猶藏其機。不得入朝。天子許之。天下諸

侯戴黃金珠玉五穀文采布帛輪齊。輪音式。樹反。以收石璧

石璧流而之天下，財物流而之齊，故國八歲而無藉陰

里之謀也。桓公曰：吾欲殺商賈之利而益農夫之事，為

此有道乎？管子對曰：請重粟之價。若是則田野大闢而

農夫勸其事矣。請以令使卿藏千鍾，大夫藏五百鍾，列

大夫藏百鍾列大夫中富商畜賈藏五十鍾內可以為

國委於偽外可以益農夫矣桓公曰崢邱之戰崢邱地名未聞

一說即葵邱人多稱貸負息以給上之急寡人欲復業產業

者本此何以洽洽通也言百姓為戎事失其本管子曰

唯膠數為可耳膠讀曰繆假此術以陳其事也今表稱貸之家表旌也皆

聖白其門而高其閭亦所以貴重之使入使者式璧而聘之以

給鹽菜之用令使者齋石璧而與仍稱貸之家皆齊首存問之謙言鹽菜之用

稽顙問曰何以得此使者曰君令曰寡人聞之詩曰愷

悌君子民之父母寡人有崢邱之戰吾聞假貸吾貧萌

萌與氓同使有以給子之力稱貸之家皆折其券而削其書

通典 卷三 食貨十二 八

舊執之券皆折毀之所發其積藏出其財物以賑貧國

書之債皆削除之不用中大給崢邱之謀也桓公曰魯梁之於齊也蠡螿蠡古螿字

螿音尺亦反言魯梁二國常為齊患也吾欲下魯梁何行而可管子對曰

魯梁之民俗為締陵奚反締之厚者謂之締公服締令左右服之人

從而服之因令齊勿敢為必仰於魯梁則是魯梁釋其

農事而作締矣桓公即為服於泰山之陽魯梁二國在泰山之南故

為服於此近其境也欲魯梁人速知之十日而服之管子告魯梁之賈人

曰子為我致締千匹賜子金三百斤子十至而金三千

斤則是魯梁不賦於人財用足也魯梁之君聞之則教

其人為締十三月魯梁國中之人道路揚塵十步不相

見繼緇而踵相隨繼緇謂連續也緇息列反緇邱喬反車轂鬻騎連伍而

行鬻鬻也土角反言其車轂往來相鬻而馳東西連而行皆趨利耳管子曰魯梁可下

矣公宜服帛率民去緇閉關無與魯梁通使後十月魯

梁人饑餒相及相及猶相繼應聲之正無以給上應聲之正謂急速之

賦正音征魯梁之君即令其人去緇修農穀不可以三月而

得魯梁之人糴十百穀斗千錢齊糴十錢穀斗十錢周月魯梁之

民歸齊者十之六管子曰夫人子音與則熹奪則怒先王

知其然故見予之形見賢而不見奪之理可使由之不可使知之

故民憂可洽於上也洽通也租藉者所以強求在工商曰租藉強音

其兩反租稅者所慮而請也在農曰租稅慮猶計也請猶求也五霸之君

去邱呂反邱呂通典卷五十一食貨十二九

其所以強求廢其所慮而請故天下樂雅教從

也春賦以斂繪帛夏貸以收秋實蓋方春蠶家闕乏而賦與之約收其繪帛

也方夏農人闕乏亦賦是故人君無廢事而國無失利

與之約取其穀實也是故人君無廢事而國無失利

也人之所乏君即與之則凡五穀者萬物之主也穀貴

則萬物必賤穀賤則萬物必貴兩者為敵則不俱平故

人君御穀物之秩相勝而操事於其不平之間秩積也食為人

天故五穀之要可與萬物為敵其價常不俱平所以人

君視兩事之委積可彼此相勝輕重於其間則國利不

成故萬民無藉而國利歸於君也夫以室廡藉謂之毀成小曰室大曰廡音武以六畜藉謂之止生畜許收反是使人毀壞廡室以六畜藉謂之止生是使人不

競收養也以田畝藉謂之禁耕是止其耕稼也以正人藉謂之離情

正數之人若丁壯也離情謂離心也

以正戶藉謂之養贏贏大賈蓄家也

其藉則至浮浪為大賈蓄正數之戶已避

家之所役屬增其利耳五者不可畢用故王者當偏

行而不盡故天子藉於幣諸侯藉於食中歲之穀石十

錢大男食四石月有四十之藉大女食三石月有三十

之藉吾子食二石月有二十之藉歲凶穀石二十則大

男有八十之藉大女有六十之藉吾子有四十之藉六

為大男五十為大女吾子為小男小女也按古之石準

今之三斗三升三合平歲每石稅十錢凶歲稅二十者

非必稅其人謂於操事是入君作發號令收糧而戶藉

也使人君守其本委謹而男女諸君吾子無不服藉者

也糧斂委所委積之物謹嚴也言人君不用下令稅

斂於人但嚴守利途輕重在我則無不遂其稅也齊

之北澤燒火獵而行火曰光照堂下管子入賀曰田野

闢農夫必有百倍之利矣是歲租稅九月而具桓公曰

此何故也管子曰萬乘千乘之國不能無薪而炊今北

澤燒莫之續則是農夫得居裝而賣其薪大曰薪小曰蕘

束十倍則春有以事耜夏有以決芸耘此租稅所以九

月而具也桓公問管子曰終身有天下而勿失有道乎

對曰請勿施殊天下獨施之於吾國國之廣狹壤之肥

壤有數終歲食餘有數彼守國者守穀而已矣曰某縣

之壤廣若干某縣之壤狹若干

國之廣狹肥瘠人之所食多少其數君素皆知

之則必積委幣

委蓄也各於縣州里積蓄錢帛所謂萬室之邑必有萬鍾之藏藏錡千萬千室

通典

卷之十

食貨十二

十

之邑必有千鐘於縣州里受公錢公錢卽積委之幣秋國穀

去參之一去減也邱呂反君下令謂郡縣屬大夫里邑設藉粟

人若干穀重一也以藏於上者一其穀價而收藏之國穀三分則

二分在上矣言先貯幣於縣邑當秋時下令收糶也則魏李悝行平糶之法上熟糶三捨一中熟

糶二捨一下熟中分之蓋出於此今言去三之一者約中熟為準耳泰春國穀倍重數也

泰夏賦穀以理土田泰秋田穀之存子者若干今上斂

穀以幣人曰無幣以穀則人之三有歸於上矣言當春穀貴之時

時計其價以穀賦與人秋則斂其幣雖設此令本意收其穀人既無幣請輸穀故歸於上重之相因

時之化舉無不為國策重之相因若春時穀貴與穀也時之化舉若秋時穀賤收穀也

因時之輕重無不以術權之則彼諸侯之穀十吾國穀二十則諸侯

穀歸吾國矣諸侯穀二十吾國穀十則吾國穀歸於諸

侯矣故善為天下者謹守重流重流謂嚴守穀價不使流散而天下

不吾洩矣泄散也吾穀不散出彼重之相歸如水之就下吾國歲

非凶也以幣藏之故國穀倍重諸侯之穀至也是藏一

分而致諸侯之一分也利不奪於天下大夫不得以富

侈以重藏輕國常有十國之策也此以輕重御天下之

道也○魏文侯相李悝曰糶甚貴傷人此人謂世工商甚賤傷

農人傷則離散農傷則國貧故甚貴與甚賤其傷一也

善為國者使人無傷而農益勸今一夫挾五口治田百

畝歲收畝一石半為粟百五十石除十一之稅十五石

通典 卷七

食貨十二

七

餘百三十五石食人月一石半五人終歲爲粟九十石
餘有四十五石石三十爲錢千三百五十除社閭嘗新
春秋之祠用錢三百餘千五十衣人率用錢三百五人
終歲用千五百不足四百五十少四百五十不足不幸疾病死

喪之費及上賦斂又未與此此農夫所以常困有不勸
耕之心而令糴至於甚貴者也是故善平糴者必謹觀

歲有上中下熟上熟其收自四餘四百石平歲百畝收百五十石今

大熟四倍收六百石計人終歲長四中熟自三餘三百

石官糴三百石此爲糴三舍一也石官糴二百石此爲糴二而舍一也下熟自倍餘百

石自倍收三百石終歲長百石官糴其五十小饑則收

石云下熟糴一謂之中分百石之一也

百石平歲百畝之收收百五十石今中饑七十石收二分之二也

一大饑三十石收五之一也以此推故大熟則上糴三

舍一中熟則糴二下熟則糴一使人適足價平則止小

饑則發小熟之所斂官以斂藏出糴中饑則發中熟之所斂大

饑則發大熟之所斂而糴之故雖遇饑饉水旱糴不貴

而人不散取有餘而補不足也行之魏國國以富彊○

漢宣帝時歲數豐穰穀至石五錢農人少利大司農中

丞耿壽昌請令邊郡皆築倉以穀賤時增其價而糴以

利農穀貴時減價而糴名曰常平倉人便之上乃下詔

賜壽昌爵關內侯元帝卽位罷之○後漢明帝永平五

年作常平倉○晉武帝欲平一江表時穀賤而布帛貴
帝欲立平糴法用布帛市穀以爲糧儲議者謂軍資尙
少不宜以貴易賤泰始二年帝乃下詔曰古人權量國
用取贏散滯有輕重平糴之法此事久廢希習其宜而
官蓄未廣言者異同未能達通其制更令國寶散於穰
歲而上不收貧人困於荒年而國無備豪人富商挾輕
資蘊重積以管其利故農夫苦其業而末作不可禁也
今宜通糴主者平議具爲條制然事未行至四年乃立
常平倉豐則糴儉則糶以利百姓○宋文帝元嘉中三

通典

卷七

食貨十二

三

吳水潦穀貴人饑彭城王義康立議以東土災荒人涸
穀踊富商蓄米日成其價宜班下所在隱其虛實令積
蓄之家聽留一年儲餘皆敕使糶貸爲制平價此所謂
常道行於百代權宜用於一時也又緣淮歲豐邑地沃
壤麥旣已登黍粟行就可折其估賦仍就交市三吳饑
人卽以貸給使疆壯轉運以贍老弱竝未施行○齊武
帝永明中天下米穀布帛賤上欲立常平倉市積爲儲
六年詔出上庫錢五千萬於京師市米買絲縣紋絹布

揚州出錢千九百一十萬

揚州理建業
今江寧郡也

南徐州二百萬

南徐州理京
口今丹陽郡

各於郡所市糶南荆河州二百萬

南荆河
州理壽

春今

市絲縣紋絹布米大麥江州五百萬

江州理潯
陽今郡

米胡麻荊州五百萬荊州理南郡今江陵郢州三百萬郢州理江夏今郡

皆市絹絲布米大小豆大麥胡麻湘州二百萬湘州理長沙今

郡市米布蠟司州二百五十萬司州理汝南今義陽郡西荊河州

二百五十萬西荊河州理歷陽今郡南兖州二百五十萬南兖州理廣陵

今雍州理襄陽今郡市絹絲布米使臺傳竝於所

在市易○後魏孝莊時祕書丞李彪上表曰昔之哲王

莫不克勤稼穡故堯湯水旱人無菜色蓋由備之也漢

家乃設常平魏氏以兵糧制屯田軍國取濟光武一畝

不實罪及牧守皆明君恤人若此今山東饑京師儉臣

以為宜折州郡常調九分之二京師都度支歲用之餘

各立官司年豐糴積於倉儉則減私之十二糴之如此

人必力田以買官絹又務貯錢以取官粟年豐則常積

歲凶則直給明帝神龜正光之際自徐揚內附之後徐

彭城郡揚收內兵資與人和糴積為邊備也○北齊河

清中令諸州郡皆別置富人倉初立之日準所領中下

戶口數得一年之糧逐當州穀價賤時斟量割當年義

租充入齊制歲每人出墾租二石義租五斗墾租送臺義租納郡以備水旱穀貴下價糴

之賤則還用所糴之物依價糴貯○後周文帝勅制六

官司倉掌辨九穀之物以量國用足蓄其餘以待凶荒

不足則止餘用用足則以粟貸人春頒秋斂○隋文帝

通典 卷十二

食貨十二

四

開皇三年衛州置黎陽倉陝州置常平倉華州置廣通倉轉相灌注漕關東及汾晉之粟以給京師京師置常平監五年工部尙書長孫平奏古者三年耕而餘一年之積九年作而有三年之儲雖水旱爲災人無菜色皆由勸導有方蓄積先備請令諸州百姓及軍人勸課當社共立義倉收穫之日隨其所得勸課出粟及麥於當社造倉窖貯之卽委社司執帳檢校每年收積勿使損敗若時或不熟當社有饑饉者卽以此穀賑給自是諸州儲峙委積至十五年以義倉貯在人閒多有費損詔曰本置義倉止防水旱百姓之徒不思久計輕爾費損

通典

卷五十二

食貨十二

五

於後乏絕又北境諸州異於餘處靈夏甘瓜等十一州所有義倉雜種並納本州若人有旱儉少糧先給雜種及遠年粟十六年又詔秦渭河廓幽隴涇寧原敷丹延綏銀等州社倉並於當縣安置又詔社倉準上中下三等稅上戶不過一石中戶不過七斗下戶不過四斗○大唐武德五年廢常平監八年敕諸州斗稱京太府校貞觀初尙書左丞戴胄上言曰水旱凶災前聖之所不免國無九年儲蓄禮經之所明誠今喪亂之後戶口凋殘每歲租米不實倉廩隨卽出給纔供當年若遇凶災將何賑恤故隋開皇立制天下之人節級輸粟名爲社

倉終於文皇得無饑饉及大業中國用不足竝取社倉以充官費故至末塗無以支給今請自王公以下爰及衆庶計所墾田稼穡頃畝每至秋熟準見田苗以理勸課盡令出穀稻麥之鄉亦同此稅各納所在爲立義倉年穀不登百姓饑饉當所州縣隨便取給太宗曰旣爲百姓先作儲貯官爲舉掌以備凶年非朕所須橫生賦斂利人之事深是可嘉宜下有司議立條制戶部尙書韓仲良奏王公以下墾田畝納二升其粟麥秔稻之屬各依地土貯之州縣以備凶年制從之自是天下州縣始置義倉每有饑饉則開倉賑給高宗永徽二年九月

通典

卷五十二

食貨十二

六

頒新格義倉據地取稅實是勞煩宜令戶出粟上上戶五石餘各有差六年京東西市置常平倉高宗武太后數十年閒義倉不許雜用其後公私窘迫貨義倉支用自中宗神龍之後天下義倉費用向盡開元二十五年定式王公以下每年戶別據所種田畝別稅粟二升以爲義倉其商賈戶若無田及不足者上上戶稅五石上中以下遞減各有差諸出給雜種準粟者稻穀一斗五升當粟一斗其折納糙米者稻三石折納糙米一石四斗天寶八年凡天下諸色米都九千六百六萬二千二

百二十石

和糴一百一十三萬九千五百三十石

關內 五十萬九千三百四十七石

河東 十一萬二千二十九石

河西 三十七萬一千七百五十石

隴右 十四萬八千一百四石

諸色倉糧總千二百六十五萬六千六百二十石

北倉 六百六十一萬六千八百四十石

太倉 七萬一千二百七十石

含嘉倉 五百八十三萬三千四百石

太原倉 二萬八千一百四十石

通典

卷三

食貨十二

七

永豐倉 八萬三千七百二十石

龍門倉 二萬三千二百五十石

正倉總四千二百一十二萬六千一百八十四石

關內道 百八十二萬一千五百一十六石

河北道 百八十二萬一千五百四十六石

河東道 三千五十八萬九千八百八十石

河西道 七十萬二千六十五石

隴右道 三十七萬二千七百八十石

劍南道 二十二萬三千九百四十石

河南道 五百八十二萬五千四百一十四石

淮南道 六十八萬八千二百五十二石

江南道 九十七萬八千八百二十五石

山南道 十四萬三千八百八十二石

義倉總六千三百一十七萬七千六百六十石

關內道 五百九十四萬六千二百一十二石

河北道 千七百五十四萬四千六百石

河東道 七百三十萬九千六百一十石

河西道 三十八萬八千四百三石

隴右道 三十萬三十四石

劍南道 百七十九萬七千二百二十八石

通典

卷五十二

食貨十二

文

河南道 千五百四十二萬九千七百六十三石

淮南道 四百八十四萬八百七十二石

江南道 六百七十三萬九千二百七十石

山南道 二百八十七萬千六百六十八石

常平倉總四百六十萬二千二百二十石

關內道 三十七萬三千五百七十石

河北道 百六十六萬三千七百七十八石

河東道 五十三萬五千三百八十六石

河西道 百六十六萬三千七百七十八石

隴右道 四萬二千八百五十石

劍南道 七萬七百四十石

河南道 一百二十一萬二千四百六十四石

淮南道 八萬一千一百五十二石

山南道 四萬九千一百九十石

江南道 闕

論曰昔我國家之全盛也約計歲之恆賦錢穀布帛五千餘萬

其數具食貨賦稅篇下

經費之外常積羨餘遇百姓不足

而每月有蠲息自天寶之始邊境多功寵錫既崇給用殊廣出納之職支計屢空於是言利之臣繼進而導行

割剝爲務每歲所入增數百萬既而隴右有青海之師

通典

卷三

食貨十二

九

范陽有天門之役朔方布思之背叛劍南羅鳳之憑陵或全軍不返或連城而陷先之以師旅因之以薦饑兇逆承隙恃兵兩京無藩籬之固蓋是人事豈唯天時緬

惟高祖太宗開國勩業作程垂訓薄賦輕徭澤及萬方

黎人懷惠是以肅宗中興之績周月而能成之是雖神

算獻謀舉無遺策戎臣介夫能竭其力抑亦累聖積仁

之所致也夫德厚則感恩深感深則難搖人心所繫故速

戡大難少康平王是也若斂厚則情離情離則易動人

心已去故遂爲獨夫殷辛胡亥是也今甲兵未息經費

尙繁重則人不堪輕則用不足酌古之要通今之宜既

弊而思變乃澤流無竭夫欲人之安也在於薄斂斂之薄也在於節用若用之不節而斂之欲薄其可得乎先在省不急之費定經用之數使天下之人知上有憂恤之心取非獲已自然樂其輸矣古之取於人也唯食土之毛謂什一而稅役人之力謂一歲三日未有直斂人之財而得其無怨況取之不薄令之不均乎自燧人氏逮於三王皆通輕重之法以制國用以抑兼并致財足而食豐人安而政洽誠爲邦之所急理道之所先豈常才之士而能達也民者瞑也可使由之不可使知之審其衆寡量其優劣饒贍之道自有其術歷觀制作之旨

通典

卷五十二

食貨十二

五

固非易遇其人周之興也得太公齊之霸也得管仲魏之富也得李悝秦之強也得商鞅後周有蘇綽隋氏有高頴此六賢者上以成王業興霸圖次以富國強兵立事可法其漢代桑弘羊耿壽昌之輩皆起自賈豎雖本於求利猶事有成績自茲以降雖無代無人其餘經邦正俗興利除害懷濟世之略蘊致理之機者蓋不可多見矣農者有國之本也先使各安其業是以隨其受田稅其所植焉可徵求貨幣捨其所有而責其所無者哉天下農人皆當糶鬻豪商富室乘急賤收旋致罄竭更仍費糶往復受弊無有已時欲其安業不可得矣故晁

錯曰欲民務農在於貴粟貴粟之道在於使民以粟爲賞罰如此農民有錢粟有所洩謂官以治之也誠如是則天下之田盡闢天下之倉盡盈然後行其軌數度其輕重化以王道扇之和風率循禮義之方皆登仁壽之域斯不爲難矣在昔堯湯之水旱作沴而人無捐瘠以國有儲蓄若賦斂之數重黎庶之力竭而公府之積無經歲之用不幸有一二千里水旱蟲霜或一方興師動衆廢於藝殖寧免賦闕而用乏人流而國危者哉

通典

卷五十二

食貨十二

三

通典卷第十三

唐 京兆 杜佑 君卿 纂

選舉

自昔養后以物命官事簡人淳唯以道化上無求欲於
下下無干進於上百姓自足海內乂安不是賢而非愚
不沽名而尙行推擇之典無所聞焉爰洎唐虞之官人
也俾乂水土緝熙帝載敷五教正五刑播百穀典三禮
咨於四獄明揚側陋詢事考言故舉無失德然猶三載
考績三考黜陟幽明流四凶族不仁者遠斯則選賢任
能之大略也三王之代朴散俗澆難以道馭務勤其教
立庠塾於鄉閭建黌學於都邑訓公卿大夫之子弟設
俊造之目而勛勉成之自幼年入學至四十方仕然後
行備業全事理績茂秦漢以降乃異於斯其行教也不
深其取材也務速欲人浸漬於五常之道皆登仁壽之
域何可及已夫上材蓋寡中材則多有可移之性教其
教方善若不教其教欲求多賢亦不及已非今人多不
肖古人多材能在施政立本使之然也而況以言取士
既已失之考言唯華失之愈遠若變茲道材何遠乎

通典

卷之十三

選舉一

一

第一 歷代制上

第二 歷代制中

第三歷代制下 考績附

第四雜論議上

第五雜論議中

第六雜論議下

選舉一

歷代制上 周 秦 漢 後漢

周官大司徒職以鄉三物教萬民而賓興之一曰六德二曰六行

三曰六藝並具學篇中詩書禮樂謂之四術四術既脩九年大成

凡士之有善鄉先論士之秀者升諸司徒曰選士司徒論選士之秀者而升諸學曰俊士既升而不征者曰造

通典 卷五十一 選舉一

士大樂正論造士之秀者升諸司馬曰進士司馬論進

士之賢者及鄉老羣吏獻賢能之書於王王再拜受之

登於天府藏於祖廟內史書其貳而行焉書其貳謂寫其副本任

其職也則鄉大夫鄉老舉賢能而賓其禮司徒教三物

而興諸學司馬辯官材以定其論太宰詔廢置而持其

柄內史贊與奪而貳於中司士掌其版而知其數論定

然後官之任官然後爵之位定然後祿之擇材取士如

此之詳也○秦自孝公納商鞅策富國強兵為務仕進

之途唯闢田與勝敵而已以至始皇遂平天下○漢高

祖初未遑立制至十一年乃下詔曰賢士大夫既與我

定有天下而不與我共安利之可乎有肯從我遊者吾能尊榮之以布告天下其有稱明法者御史中執法郡守必身勸勉遺詣丞相府署其行義及年有其人而言者免官又制諸侯王得自除內史以下漢獨爲置丞相也惠帝四年詔舉人孝悌力田者復其身高后元年初置孝悌官二千石者一人特置此官而尊其秩欲以勸勉天下各令敦行務本文帝因晁錯言務農貴粟詔許人納粟得拜爵及贖罪至景帝後元二年詔曰有市籍貲多不得官唯廉士寡欲易足今貲算十以上乃得官貲少則不得官朕甚愍之減至四算得官有市籍謂賈人有財不得爲吏貲萬錢算百二十也算十十萬也時疾吏

通典

卷五十三

選舉一

三

之貪以爲衣食足知榮辱故限貲十萬乃得爲吏廉士無貲減至四算乃得官也武帝建元初

始詔天下舉賢良方正直言極諫之士其理申商韓非蘇秦張儀之言亂國政皆罷之申商韓刑名之學蘇元張縱橫之說并不可

光元年舉賢良董仲舒對曰今之郡守縣令民之師帥所使承流而宣化也故師帥不賢則主德不宜恩澤不流今吏旣無教訓於下或不承用主上之法暴虐百姓與姦爲吏言小吏有爲姦欺者守令不舉乃反與之交易求利也貧窮孤弱冤苦

失職甚不稱陛下之意夫長吏多出於郎中中郎吏二千石子弟選郎吏又以富貲未必賢也且古所謂功者以任官稱職爲差非謂積日累久也故小材雖累日不

離於小官賢材雖未久不害為輔佐是以有司竭力盡
智務治其業而以赴功今則不然累日以取貴積久以
致官是以廉恥留亂賢不肖混淆也請令諸侯列卿郡
守二千石各擇其吏民之賢者歲貢各二人以給宿衛
且以觀大臣之能所貢賢者有賞不肖者有罰夫如是
諸侯吏二千石皆盡心於求賢天下之士可得而官使
也授之以官以使其材也無以日月為功實試用賢能為上量材

而授官錄德而定位錄謂存則廉恥殊路賢不肖異處

矣帝於是令郡國舉孝廉各一人孝謂善事父母廉謂清潔廉隅又制

郡國口二十萬以上歲察一人四十萬以上二人六十

萬三人八十萬四人百萬五人百二十萬六人不滿二

十萬二歲一人不滿十萬三歲一人限以四科一曰德

行高潔志節清白二曰學通行修經中博士三曰明習

法令足以決疑能按章覆問文中御史四曰剛毅多略

遭事不惑明足決斷材任三輔縣令至五年又詔徵吏

人有明當代之務習先聖之術者縣次給食令與計偕

計者上計簿使也郡國每歲遣詣京師上之偕者俱也令所徵之人與計者俱來而縣次給之食也元朔

元年又詔曰夫本仁祖義褒德祿賢勸善刑暴本仁祖義謂以

仁義為本始五帝三王所繇昌也故詔執事興廉舉孝庶幾

成風夫十室之邑必有忠信三人同行厥有我師今或

至闔郡而不薦一人闔開也總一郡之是化不下究而

積行之君子壅於上聞也究竟也言見壅遏且進賢受

上賞蔽賢蒙顯戮古之道也其與中二千石禮官博士

議不舉者罪是時天下慎法莫敢謬舉而貢士蓋鮮故

有斯詔有司奏請議曰古者諸侯貢士一適謂之好德

適得其九錫再適謂之賢賢三適謂之有功迺加九錫者一

曰車馬二曰衣服三曰樂懸四曰朱戶五曰納陛六曰

虎賁百人七曰鈇鉞八曰弓矢九曰秬鬯此皆天子制

度尊之故事錫與但數少耳然九錫經本無文周禮以

爲九命春秋說有之九錫備物伯者盛禮齊桓晉文猶

不能備今三進賢便受之似不然也當受進賢之不貢

賜尙書大傳云三適謂之有功賜以車服弓矢不貢

士一則黜爵再則削地三則黜爵削地畢矣夫附下罔

上者死附上罔下者刑與聞國政而無益於人者斥在

上位而不能進賢者退其不舉孝不奉詔當以不敬論

爲其不求不察廉爲不勝任也當免奏可凡郡國之官

非傅相其他既自署置又調屬僚及部人之賢者舉爲

秀才廉吏而貢於王庭多拜爲郎居三署無常員或至

千人屬光祿勳故卿校牧守居閑待詔或郡國貢送公

車徵起悉在焉光祿勳復於三署中詮第郎吏歲舉秀

才廉吏出爲他官以補缺員後漢制同元封五年又詔曰蓋

有非常之功必待非常之人故馬或奔蹏而致千里蹏

也奔走也奔蹏者乘之即士或有負俗之累而立功名

通典 卷五十一 選舉一 五

貧俗謂彼世反夫泛駕之馬汎覆也音芳勇反覆駕者言馬有逸氣而不循軌轍

也也駢弛之士駢者駢落無檢局也弛者放亦在御之而廢不遵禮度也駢音吐各反

已其令州縣察吏人有茂材異等茂材異等者超等可軼羣不與凡同也

為將相及使絕國者絕遠初公孫弘以儒術為丞相天

下之學靡然嚮風時太常孔臧等請為太常博士官置

弟子五十人復其身太常擇人年十八以上儀狀端正

者補博士弟子郡國縣道邑有好文學敬長上肅政教

順鄉里出入不悖所聞者二千石謹察可者當與計偕

詣太常得受業如弟子一歲皆輒試能通一藝以上補

文學掌故缺其高第可以為郎中者太常籍奏即有秀

才異等輒以名聞其不事學若下材及不能通一藝輒

罷之而請諸不稱者罰時外事四夷內闕用度仍募人

入羊穀奴婢得授官增秩復役除罪大至封侯卿大夫

小者郎吏繇是吏道雜而多端官職耗廢矣孝昭始元

初遣故廷尉王平等五人前為此官今不居官皆謂之故持節行郡國

舉賢良孝宣帝時諫議大夫王吉上言曰今使吏得任

子弟子弟以父兄任為郎也率多驕驚不通古今驚與至於積功

理人無益於人此伐檀所為作也伐檀詩篇名刺不用賢也宜明選

求賢除任子弟之令黃龍初制凡官秩六百石者不得

舉為廉吏孝元帝永光元年二月詔丞相御史舉質朴

敦厚遜讓有行者光祿歲以此科第郎從官

始令丞相御史舉此

四科人以擢用之而見在郎及從官又令光祿每歲依此科考校定其第高下知其人賢否也又詔列

侯舉茂材諫議大夫張勃舉太官獻丞陳湯獻丞主湯貢獻物

有罪勃坐削戶二百會薨故賜諡曰繆侯以其所舉不得人故加惡

諡繆者妄也其為勸勵也如是故官得其材位必久安為吏

者長子孫居官者以為姓號三代以降斯之為盛建昭

中因西羌反及日蝕京房奏百官各試其功災異可息

遂詔房作考功課之法具考績篇成帝建始四年初置常侍

曹尚書一人主公卿又有二千石曹尚書一人掌郡國

二千石蓋選曹之所起也漢諸帝凡日蝕地震山崩川

竭天地大變皆詔天下郡國舉賢良方正極言直諫之

士率以為常又其有要任使皆標其目而令舉之王莽時太

常學子弟歲舉甲科四十人為郎中乙科二十人為太子舍人丙科四十人為文學掌故○後漢光

武十二年詔三公舉茂材各一人廉吏各一人左右將

軍歲察廉吏各二人光祿歲舉郎茂材四行各一人察

廉吏三人中二千石歲察廉吏各一人廷尉大司農二

人將兵將軍歲察廉吏各二人監御史司隸州牧茂舉

茂材各一人改前漢常侍曹尚書為吏曹尚書其時選

舉於郡國屬功曹於公府屬東西曹於天臺屬吏曹尚

書亦曰選部而尚書令總之其所進用加以歲月先後

書亦曰選部而尚書令總之其所進用加以歲月先後

通典

卷七

選舉一

七

之次凡郡國守相視事未滿歲不得察舉孝廉吏以其未久不周知也所徵舉率皆特拜不復簡試士或矯飾謗議漸生章帝建初元年詔曰夫鄉舉里選必累功勞

今刺史守相不明眞僞茂材孝廉歲以百數

漢曰秀才後漢避光

武諱故曰茂才魏曰秀才既非能著而當授之政事甚無謂也每尋

前代舉人貢士或起昧畝不繫閭閻敷奏以言則文章

可採明試以功則理有異迹文質彬彬朕甚嘉之始復

用前漢丞相故事以四科辟士

武帝因董仲舒之言立制故事在丞相府今復

用之第一科補西曹南閭祭酒二科補議曹三科補四辭入奏四科補賊決凡所舉士先試

之以職乃得充選其德行尤異不宜試職者疏於他狀

通典

卷三

選舉一

八

舉非人兼不舉者罪舊制大郡口五六十萬舉孝廉二

人小郡二十萬并有蠻夷者亦舉二人和帝以爲不均

下公卿會議司徒丁鴻司空劉方上言凡口率之科宜

有階品蠻夷雜錯不得爲數自今郡國率二十萬口歲

舉孝廉一人四十萬二人六十萬三人八十萬四人百

萬五人百二十萬六人不滿二十萬二歲一人不滿十

萬三歲一人帝從之又制緣邊郡口十萬以上歲舉孝

廉一人不滿十萬二歲舉一人五萬以下三歲一人

推核

當時戶口一歲所貢不過二百餘人安帝永初二年詔王官屬墨綬下至

郎謁者經任博士居鄉里有廉清孝順之稱才任理人

者國相歲移名與計偕上尚書公府通調令得外補順
帝又增甲乙科員十人除郡國耆儒皆補郎舍人陽嘉
元年尚書令左雄改察舉之制限年四十以上儒者試
經學文吏試章奏如有顏回子奇之類不拘年齒尚書
僕射胡廣尚書郭虔等駁之曰選舉因才無拘定制六
奇之策不出經學鄭產之政非必章奏甘奇顯用年乖
強仕終賈揚聲亦在弱冠漢承周秦兼覽殷夏祖德師
經參雜霸軌聖主賢臣代以致理貢舉之制莫或廻革
今以一臣之言不可刻戾舊章竟從雄議於是雄上言

郡國孝廉古之貢士出則宰人宣協風教若其面牆則

通典

卷三

選舉一

九

無所施用孔子曰四十而不惑禮稱強仕請自今孝廉
年不滿四十不得察舉皆請先詣公府諸生試家法

儒有

一家之學
故曰家法

文吏課箋奏副之端門練其虛實以觀異能

以美風俗有不承科令者正其罪法若有茂才異行自
可不拘年齒帝從之於是班下郡國明年有廣陵孝廉
徐淑年未及舉臺郎疑而詰之對曰詔書有如顏回子
奇不拘年齒是故本郡以臣充選郎不能屈雄詰之昔
顏回聞一知十孝廉聞一知幾淑無以對乃遣還郡於
是濟陰太守胡廣等十餘人皆坐繆舉免黜唯汝南陳
蕃潁川李膺下邳陳球等三十餘人得拜郎中自是收

守畏慄莫敢輕舉雄在尚書迄於永嘉十餘年閒察選清平多得其人雄又奏徵海內名儒爲博士使公卿子弟爲諸生有志操者加其俸祿及汝南謝廉河南趙建年始十二各能通經雄竝奏拜童子郎自是負書來學雲集京師侍中張衡上疏曰自初舉孝廉到今二百年必先孝行行有餘方乃草文法耳今詔書一以能誦章句結奏案爲限雖有至孝不當其科所謂損本而求末者也自改試以來累有妖星震裂之災是天意不安於此法故也後黃瓊爲尚書令以雄前所上孝廉之選專用儒學文吏於取士之義猶有所違乃奏增孝悌及能

通典

卷五

選舉一

十

從政者爲四科

范曄曰漢初詔舉賢良方正州郡察孝廉秀才斯亦古諸侯貢士之方也中興

以後復增敦樸有道賢能直言獨行高節質直清白敦厚之屬榮路既廣自是竊名僞服浸以流競權門貴仕請謁繁興自左雄任事限年試才雖頗有不密固亦因識時宜而黃瓊胡廣張衡崔瑗之徒泥滯舊方互相詭駁循名者屈其短算實者挺其效雄在尚書天下不敢謬選十餘年閒稱爲得人斯亦效實之徵乎舊典選舉委任三府三府有選參議掾屬各其行狀度其器能受試任用責以成功名無可察然後付之尚書之舉刺請下廷尉覆案虛

桓帝建和初詔諸學生年十六以上比郡國明經試次第上名高第十五人上第十六人爲中

郎中第十七人爲太子舍人下第十七人爲王家郎永

壽二年甲午詔復課試諸生補郎舍人其後復制學生

滿二歲試通二經者補文學掌故其不通二經者須後

試復隨輩試通五經者亦得爲文學掌故其已爲文學掌故者滿二歲能通三經者擢其高第爲太子舍人其不得第者後試復隨輩試第復高者亦得爲太子舍人已爲太子舍人滿二歲試能通四經者擢其高第爲郎中其不得第者後試復隨輩試第復高者亦得爲郎中已爲郎中滿二歲試能通五經者擢其高第補吏隨才而用其不得第者後試復隨輩試第復高亦得補吏其後綱紀墮紊凡所選用莫非情故時議以州郡相阿人情比周乃制婚姻之家及兩州之人不得相臨遂復有

三五法

三五謂婚姻之家及兩州不得交互爲吏是時史弼遷山陽太守其妻鉅野薛氏女以三五自

通典

卷五

選舉一

七

上轉并平原相是也

禁網益密選用彌艱幽冀二州欠闕而公府

限以三五經時不補議郎蔡邕上言曰伏見幽冀舊壤

鎧馬所出比年兵饑漸至空耗闕職經時吏人延屬而

三府選舉逾月不定以避三五十二州有禁當取二州

之士又二州之士或復限以歲月狐疑淹遲以失事會

愚以爲三五之禁禁之薄者但申以威靈明其憲令在

任之人豈不戒懼而坐設三五自生畱閔邪昔韓安國

起自徒中買臣出於幽賤竝以才宜還守本邦豈復顧

循三五繼以末制者乎臣願蠲除近禁其諸州刺史器

用可授者無拘日月三五以差厥中靈帝不省是時諸

通典卷第十四

唐 京 兆 杜 佑 君 卿 纂

選舉二

歷代制中 魏 晉 東晉 宋 齊 梁 陳 後魏 北齊 後周 隋

魏文帝為魏王時三方鼎立士流播遷四人錯雜詳覈無所延康元年吏部尚書陳羣以天朝選用不盡人才乃立九品官人之法州郡皆置中正以定其選擇州郡

之賢有識鑑者為之區別人物第其高下又制郡口十萬以上歲察一人其有秀異不拘戶口 初曹公時魏府

改為東曹掾史銓衡人物選用先尚勤儉於是天下士人皆砥礪名節務從約損和洽言於公曰天下大器在

通典

卷四

選舉二

一

位與人不可以一節儉也儉素過中自以處身則可以此格物所失或多今朝廷之儀吏有著新衣乘好車者不謂之廉潔至令士大夫故汙辱其衣藏其輿服朝府大吏或自挈壺餼以入官寺夫立教觀俗貴處中庸為可繼也今崇一槩難堪之行以檢殊塗勉而為之必有疲頓古之大教務在通人情而已凡激詭之行則容偽矣 其武官之選俾護軍主之黃初三年始除舊漢限年

之制令郡國貢舉勿拘老幼儒通經術吏達文法則皆試用自明帝太和之後俗用浮靡遞相標目而夏侯諸葛何鄧之儔有四聰八達之稱帝深嫉之於是惡士大夫之有名聲者或禁錮廢黜以懲之吏部尚書盧毓奏曰古者敷奏以言明試以功今考績之法久廢而毀稱相進退故真偽混雜也帝遂詔散騎常侍劉劭作都官

考課之法以考覈百官

具考續篇

齊王嘉平初曹爽既誅司

馬宣王秉政詳求理本中護軍夏侯元言曰夫官才用

人國之柄也故銓衡專於臺閣上之分也孝行考乎閭

巷優劣任之鄉人下之敘也夫欲清教審選在明其分

敘不使相涉而已今令中正但考行倫輩輩當行均斯

可官矣行有大小比有高下則所任之次亦渙然別矣

奚必使中正于銓衡之機於下而執機柄者有所委仗

於上上下下交侵以生紛錯哉且眾職之屬各有官長但

使官長各以其屬能否獻之臺閣則據官長能否之第

參以鄉閭德行之次擬其倫比勿使偏頗中正則唯考

行迹別其高下審定輩類勿使升降而總之於臺閣官

長所第中正所輩擬比隨次率而用之如其不稱責負

在外則內外相參得失有所庶可靜風俗而審官才矣

兼請除重設之官定服制之等宣王辭不能改請俟於

他賢

按九品之制初因後漢建安中天下興兵衣冠士族多離於本土欲徵源流遠難委悉魏氏革命州郡縣俱置大小中正各以本處人任諸府公卿及臺省郎吏有德充才盛者為之區別所管人物定為九等其

有言行修著則升進之或以五升四以六升五儻或道義虧缺則降下之或自五退六自六退七矣是以吏部

不能審定覈天下人才士庶故委中正銓第等級憑之授受謂免乖戾及法弊也唯能知其閭閻非復辨其賢

愚所以劉毅云上品無寒門下品無勢族南朝至於梁陳北朝至於周隋選舉之法雖互相損益而九品及中正至開皇中方罷討其根本陳壽魏志言之太略故詳

辨之也蜀先主既沒諸葛孔明秉政懲惡舉善善量材授

通典

卷五

選舉二

二

任不計資敘時韃爲郡守李嚴以楊洪爲功曹嚴未去郡而洪已爲蜀郡守洪門下書佐何祗有才策洪未去郡而祗已爲廣漢郡守後李嚴廖立皆得罪於亮或廢或徙聞亮卒垂泣發疾以至於死也 ○晉依

魏氏九品之制內官吏部尙書司徒左長史外官州有

大中正郡國有小中正皆掌選舉若吏部選用必下中

正徵其人居及父祖官名武帝泰始初又議考課

具課績篇

散騎常侍傅元皇甫陶以爲政教頽弊風俗不淳上疏

曰臣聞先王之臨天下也明其大教長其義節道化崇

於上清議行於下上下相奉人懷義心亡秦蕩滅先王

之制以法術相御而義心亡矣近者魏武好法術而天

下貴刑名魏文慕通達而天下賤守節其後綱維不攝

而虛無放誕之論盈於朝野使天下無復清議而亡秦

之病復發於今陛下聖德化鄰唐虞唯未舉清遠有禮

之臣以崇風節未退虛鄙以愆不恪也帝乃使元草詔

進之元奏曰臣聞先王分士農工商以經國制事各一

其業而殊其務自士以上子弟則爲之立太學以教之

選明師以訓之隨才優劣以之授用農以豐其食工以

足其器商賈以通其貨故雖天下之大兆庶之衆而無

游人在其閒漢魏不定其分百官子弟不修經藝而務

交遊未知蒞事而坐享天祿農工之業多廢或逐輕利

而離其事徒繫名於太學然不聞先王之風今聖政資

始而漢魏之失未改散官衆而學校未設游手多而親農者少工器不盡其宜臣以爲宜亟定其制前皇甫陶上事欲令賜拜散官皆課使親耕天下享足食之利禹稷躬稼祚崇後代是以明堂月令著帝籍之制伊尹古之名臣耕於有莘晏嬰齊之大夫避莊公之難亦耕於海濱昔者聖帝明皇賢佐俊士皆嘗從事於耕農矣王人賜官冗散無事者不督使學則當使耕無緣放之使坐食百姓也今文武之官旣衆而賜拜不在職者又多加服役爲兵不得耕稼當農者之半南面食祿者參倍於前使冗散之官爲農而收其租稅家得其實而天下

通典

卷四

選舉二

四

之穀可以無乏矣夫家足食爲子則孝爲父則慈爲兄則友爲弟則悌天下不足食則仁義之教可不令而行也夫士農工商之分不可斯須而廢若未能精其防制計天下文武之官足爲副貳者使學其餘皆歸之農於是百工商賈亦歸之農務農若此何有不贍乎虞書曰三載考績三考黜陟幽明是爲九年之後乃有遷敘也故居官久則念立慎終之化不久則競爲一切之政六年之限日月淺近不周黜陟陶之所上義合古制惟陛下

裁之武帝甚善之而終不能用

山濤爲吏部尙書十有餘年每官缺輒啟擬數

人曰侍中彭權遷當選代按雍州刺史郭奕高簡有雅量在兵間少不盡下情處朝廷足以肅正左右衛將軍

王濟才高美茂後來之冠此一人誠顧問之秀聖意儻借濟主兵者驍騎將軍荀愷智器明敏其典宿衛終不減濟祭酒庾純強正有學義亦堪此選國學初建王荀已亡純能其事宜當小雷蠶立其制不審宜爾有當聖旨者不尙書令缺宜得其人征南大將軍祐體義立正可以肅整朝廷又云有疾苦者大將軍雖不整正須筋力戎馬間猶宜得健者征北大將軍羅貞正靜一中書監勅達練事物三人皆人彥不審有可參舉者不皆隨帝意所欲然後明奏而帝之用者或非舉首衆情不察以濤輕重任意或語之於帝故帝手詔戒濤曰夫用人惟才不遺疏遠卑賤天下便化矣而濤行之自若一年之後衆情乃服濤所奏甄拔人物各爲題目時稱山公啟事又王戎字濬冲遷尙書左僕射領吏部戎爲甲午制凡選舉皆先理百姓然後授用司隸傅咸奏戎曰書稱三載考績三考黜陟幽明今外內郡官居職未周而生傷農害政戎不仰依堯舜典謨而驅扇浮華虧敗風俗非徒無益乃有大損宜免戎官戎與賈郭通親竟得不於時雖風教頽失而無典制然時有清議尙能勸俗

通典

卷五

選舉二

五

陳壽居喪使女奴丸藥積年沈廢郗詵篤孝以假葬違常降品一等其爲懲勸也如是其後中正任久愛憎由已而九品之法漸弊遂計官資以定品格天下惟以居位者爲貴尙書僕射劉毅以九品者始因魏初喪亂是軍中權時之制非經久之典也因用士斷復古鄉舉里選之法上疏曰夫九品有八損而官才有三難皆興替之所由也人物難知一也愛憎難防二也情僞難明三也今之中正定九品高下任意榮辱在手操人主威福奪天朝權勢愛惡隨心情僞由已上品無寒門下品無勢族公無考校之負私無告訴之忌損政之道一也置

州郡者本取州里清識咸所歸服將以鎮異同一言議不謂一人之身了一州之才一人不審遂爲坐廢若然雖宣尼之聖莫不有過則可廢何獨責於中人哉使是非之論橫於州里嫌隙之仇結於大臣損政之道二也本立格制謂人倫有序若貫魚成次才德優劣倫輩有首尾也今之中正坐徇其私推貴異之器使在九品之下負戴不肖越在成人之首損政之道三也委以一國之重而無賞罰之防使得縱橫無所顧憚諸受枉者抱怨積久獨不蒙天地無私之德長壅蔽於邪人之銓損政之道四也古先政教崇鄉黨之義故得天下之人退

通典

卷之四

選舉二

六

而修本今一國之士多者千數或流徙異邦或給事殊方猶不識其面況能盡其才乎而中正知與不知將定品狀必採聲於臺府納毀於流言任已則有不識之弊聽受則有彼此之偏所知者以愛憎奪其平所不知者以人事亂其度既無鄉老紀行之議又非朝廷考績之課遂使爲官之人棄近求遠背本趨末損政之道五也凡所以立品設狀者求人才而論功報也今於限當報雖職之高還附卑品無績於官而獲高敘是爲抑功實而崇虛名也損政之道六也凡官不同事人不同能今九品不狀才能之所宜而以九等爲例以品取人或非

才能之所長以狀取人則爲本品之所限若狀得其實
猶品狀相妨況不實者乎損政之道七也前九品詔書
善惡必書以爲褒貶今之九品所下不彰其罪所上不
列其善廢褒貶之義任愛憎之斷天下之人焉得不懈
於德行而銳於人事乎損政之道八也職名中正實爲
姦府事名九品而有八損臣以爲宜罷中正除九品棄
魏氏之弊法立一代之美制司空衛瓘又表請除九品
復古鄉議里選時始平王文學李重復上疏曰九品始
於喪亂軍中之政誠非經國不刊之法也且檢防轉碎
徵形失實故朝野之論僉謂驅動風俗爲弊已甚晉承

通典

卷之四

選舉二

七

魏氏凋弊之迹人物播越仕無常朝人無定處郎吏蓄
於軍府豪右聚於都邑事體駁錯與古不同謂九品既
除宜先開移徙聽相併就且明貢舉之法不濫於境外
則冠帶之倫將不分而自均卽土斷之實行矣若使人
思反本修之於鄉華競自息而禮義日崇矣及劉頌爲
吏部尚書復建九班之制令百官在職少遷時賈郭專
朝仕者務速進故皆不行

孫氏有江東選曹尚書主選

爲尚書以郎署混淆多非其人豔欲激濁揚清別其善
否乃覈選三署皆貶高就下降損數等其居位貪婪志
節卑汙者皆以爲軍校置之營府於是怨
聲囂然競言豔用私情虧公法豔坐自殺

○東晉元帝

制揚州茂貢二人諸州各一人時以天下喪亂務存慰

勉遠方孝秀不復策試到卽除署既經略粗定乃詔試
經有才不中舉者免其太守其後孝秀莫敢應命有送
至京師皆以疾辭太興三年尚書孔坦議請普延五歲
許其講習乃詔孝廉申至七年而秀才如故○宋制丹
陽吳會會稽吳興四郡歲舉二人餘郡各一人凡州秀
才郡孝廉至皆策試天子或親臨之及公卿所舉皆屬
於吏部敘才銓用凡舉得失各有賞罰失者其人加禁
錮年月多少隨部議制

初廢帝榮陽王時以蔡廓爲吏部尚書錄尚書徐羨之謂中書令傅亮曰黃門以下悉委蔡吾徒不復屈懷自此以上故宜共參同異廓聞之曰我不能爲徐羨之署紙尾也遂辭不拜選按黃紙錄尚書與吏部尚書連名故廓云署紙尾也按宋黃門第五品也

文帝元嘉

通典

卷五

選舉二

八

中限年三十而仕郡縣以六周而代刺史或十餘年及
孝武卽位仕者不復拘老幼守宰以三周爲滿時中軍
錄事參軍周朗上疏曰令爲政者宜以二十五家選一
長百家置一師男子十三至十七皆令學經十七至二
十皆令習武訓以書記圖緯忠孝仁義之禮廉讓恭勤
之則授以兵經戰略軍部舟騎之容挽強擊刺之法習
經者五年有成而言之司徒習武者三年能藝亦升之
司馬若七年而經不明五年而勇不達便更求其言行
考其事業必不足取者雖公卿子弟長歸農畝終身不
得爲吏兼述農桑生植之本及禮教刑政之端帝省之

不悅左衛將軍謝莊以其時掇才路狹又上表曰九服之曠九流之雜提鈞懸衡委之選部一人之鑑易限而天下之才難源以易限之鑑昭難源之才使國罔遺授野無滯器其可得乎請普令大臣各舉所知以付尙書銓用不從帝又不欲重權在下乃分吏部置兩尙書以散其權

裴子野曰官人之難先王言之詳矣居家視其智謀煩之以事以求其理臨之以利以察其廉周禮始於學校論之州里告諸六事而後貢於王庭其在漢家尙猶然也州郡積其功能然後爲五府所辟五府舉其一人之身所闕者衆一賢之進其課也詳故能官得其才鮮有敗事魏晉易是而所失弘多夫厚貌深衷儉如谿壑釋言觀行猶懼弗同況今萬品千羣俄折乎一面庶僚百位專勤於一司於是羣風遂行不可止也已擊

通典

卷五

選舉二

九

穀攘袂填彼寺臺求者干進以務必得加之以諂黷吏曹按閭閻而選舉不違訪采於鄉邑父誨其子曰不索何獲兄勵其弟曰努力窺覷無廉恥之風謹愿之操官邪國敗而不可紀網假使龍作納言舜居南面而治致手章不可必也況後之哲人者哉孝武雖分曹

○齊尙

書都令史駱宰議策秀才格五問竝得爲上四三爲中二爲下一不合與第謝超宗議以爲片辭折獄寸言挫衆魯史褒貶孔論興言皆無俟繁而後秉裁夫表事之深折理之會豈必委牘方切理道非忠對不盡問患以常文弗奇必使一通峻正寧劣五通而常與其俱奇一亦宜採詔從宰議因習宋代限年之制然而鄉舉里選不覈才德其所進取以官婚冑籍爲先遂合甲族以二

十登仕後門以三十試吏故有增年矯貌以圖進者其時士人皆厚結姻援奔馳造請浸以成俗至和帝時梁武爲丞相上表曰前代選官皆立選簿應在貫魚自有銓次胄籍升降行能臧否或素定懷抱或得之餘論故得簡通賓客無俟掃門頃代陵夷九流乖失其有勇退忌進懷質抱眞者選部或以未經朝謁難以進用或有晦善藏聲自埋衡筆者又以名不表著絕其階緒必須書刺投狀然後彈冠則是驅迫廉撝弊成澆競愚謂自今選曹宜精隱覈依舊立簿使冠履無爽名實不違庶人識涯涘造請自息且聞中閒立格甲族以二十登仕

通典

卷四

選舉二

十

後門以過立試吏求之愚懷抑有未達何者設官分職惟才是務若限歲登朝必增年就官故貌實幼童籍已逾立滓穢名教於斯爲甚乃施行○梁初無中正制年二十有五方得人任天監中制九流常選年未三十不通一經者不得爲官若有才同甘顏勿限年次至七年州置州重郡置郡崇鄉置鄉豪各一人專典按薦無復膏梁寒素之隔普通七年詔凡州歲貢二人大郡一人敬帝太平二年復令諸州各置中正仍舊選舉皆須中正押上然後量授不然則否○陳依梁制凡年未三十不得入仕唯經學生策試得第諸州迎主簿西曹左奏

及嘗爲挽郎得未壯而仕諸郡唯正王爲丹陽尹經迎
得出身者亦然庶姓尹則否有高才異行殊勳別降恩
旨敘用不在常例凡選無定時隨缺則補官有清濁以
爲升降從濁得清則勝於遷若有遷授吏部先爲白牒
列數十人名尙書與參掌者共署奏敕或可或否其可
者則下於選曹量貴賤別內外隨才補用以黃紙錄名
八座通著奏可乃出以付於典名典名書其名帖鶴頭
版脩容整儀送所授之家其別發詔除者卽宣付詔局
詔局草奏聞敕可黃紙寫出門下門下答詔請付外施
行又書可付選司行名得官者不必皆行名到但聞詔

通典

卷四

選舉二

十一

出明日卽入謝後詣尙書上省拜受若拜王公則臨軒
凡拜官皆在午後初武帝承侯景喪亂之後綱維頽壞
制度未立百官無復考校殿最之法但更年互遷驟班
進秩法無可稱者後徐陵孔奐繼爲吏部尙書差有其
序○後魏州郡皆有中正掌選舉每以季月與吏部銓
擇可否其秀才對策第居中上表敘之成帝和平三年
詔曰今選舉之官多不以次令班白處後晚進居先豈

所謂彝倫攸敘也諸曹選補宜各書勞舊才能

初崔浩爲冀州

大中正薦冀定相幽并五州士數十人各起家爲郡守
景穆帝謂浩曰先召之人亦州郡選也在職已久勤勞
未嘗令先補前召外任郡縣以新召者代爲郎吏又守
宰人宜使更事者浩固爭而遣之高允聞之謂官東博

士管恬曰崔公其不免乎苟遂其非而校勝於上何以能濟又季孝伯趙郡人父曾理鄭氏禮左氏春秋郡三辟功曹不就門人勸之曾曰功曹之職雖曰鄉選高第猶是郡吏耳北面事人亦何容易任郡主簿到官月餘日乃歎曰梁叔敬有云州郡之職徒勞人耳道之不行身之憂也遂還家又郭祚爲吏部尚書持潔清重惜官位至於銓授假令得人必饒徧久之然後下筆卽云此人便已貴矣由是事頗爲稽遲當時每招怨讒然所拔用者量材稱職其後中正所銓但在門第吏部葬倫仍時又以此歸之

不才舉至孝文帝勵精求治內官通班以上皆自考覈

以爲黜陟

具考續篇

宣武帝詔庶族子弟年十五不聽入仕

任城王徽從幸鄴官除吏部尚書及幸代車駕自北巡雷激銓簡舊臣初魏自公侯以下迄於選臣勳有萬數充散無事激品爲三等量其優劣盡其能否之用咸無怨者又韋伯昕兄子瑒爲吏部郎性貪婪鬻賣吏官皆有定價自太和以前精選中正德高鄉國者充其邊州小

通典

卷五

選舉二

五

郡人物單鮮者則併附他州其在僻陋者則闕而不置當時稱爲簡當頗謂得人及宣武孝明之時州無大小必置中正旣不可悉得其人故或有蕃落庸鄙操銓覈之權而選敘類紊至正始元年冬乃罷諸郡中正時有以雜類冒登清流遂令在位者皆五人相保無人保任者奪官還役初孝明嗣位幼冲靈太后臨朝征西將軍冀州大中正張彝之子仲瑀上封事請銓別選格排抑武夫不使在清品於是武夫怨怒聲喧道路乃懸榜於衢會期屠害彝父子不以爲懷神龜二年羽林虎賁相率千餘人至尙書省詬訾求彝長子尙書郎始均不獲

以瓦礫投擊臺閣聲如雷霆京師懾震莫敢討過遂聚
火就焚其第曳彝於庭捶辱恣心而呼聲動京邑其子
叩頭流血爲父請命羽林乃執始均生投火中灼爲煨
燼仲瑀被創以竄免彝信宿而死旣而詔斬其尤兇者
八人餘大赦以安之天下冤痛聞者驚駭靈太后於是
乃命武官得依資入選旣而官員少而應調者多選曹
無以處之及崔亮爲吏部尙書乃奏爲格制官不問愚
賢以停解日月爲斷雖復官須此人停日後者終不得
取庸才下品年月久者則先擢用時沈滯者皆稱其能
時亮外甥司空諮議劉景安書規亮曰殷周以鄉塾貢
士兩漢由州郡薦才魏晉因循乃置中正諦觀在昔莫

通典

卷四

選舉二

五

不審舉雖未盡美足應十收六七朝廷貢才止求其文
不取其理察孝廉惟論章句不及理道立中正不考人
才行業空辨姓氏高下至於取士之途不溥沙汰之理
未精而舅屬當銓衡宜須改張易調如之何反爲停年
格以限之天下士誰復修厲名行哉亮答書曰汝所言
乃有深致吾昨爲此格有由而然今已爲汝所怪千載
之後誰知我哉可靜念吾言吾廉正六爲吏部郎中三
爲尙書銓衡所宜頗知之矣但古今不同時宜復異何
者昔有中正品其才第上之尙書據狀量人授職此乃
與天下羣賢共爵人也吾謂當爾之時無濫舉矣而汝
猶云十收六七況今日之選專歸尙書以一人之鑑照
察天下劉毅所云一吏部兩郎中而欲究鑑人物何異
以管窺天而求其博哉今勳人甚多又羽林入選武夫
巖起而不解書計唯可曠弩前驅指蹤捕噬而已忽令
佩組乘軒求其烹鮮之效未嘗操刃而使剗割又武人
至多官員至少不可周溥設令十人共一官猶無官可
授况一人冀一官何由可不怨哉吾近面執不宜使武
人入選請賜其爵厚其祿旣不見從是以權立此格限
異汝以禮法難權宜哉仲尼云知我者春秋罪我者亦

春秋吾之此指其由是也

但令當今君子知吾意焉

後甄琛元脩義城陽王徽相
繼爲吏部尙書利其便已踵而行之自是賢愚同貫涇
渭無別魏之失才從亮始也及辛雄爲尙書右丞轉吏
部郎中上疏曰自神龜以來專以停年爲選士無善惡
歲久敘用職無劇易名到授官執案之吏以差次日月
爲功能銓衡之人以簡得老舊爲平直且庸劣之人莫
不貪鄙委斗筲以共理之重託碩鼠以百里之命皆貨
賄是求肆心縱意其制雖煩不勝其欲致令僭役不均
發調違謬聚斂盈門囚執滿道蓋助陛下理天下者唯
在守令最須簡置以康國道但郡縣選舉由來所輕貴

通典

卷之四

選舉二

五

遊雋才莫肯居此宜改其弊以定官方請上等郡縣爲
第一清中等爲第二清下等爲第三清選補之法妙盡
才具如不可竝後地先才不得拘以停年竟無銓革三
載黜陟有稱者補在京名官如前代故事不歷郡縣不
得爲內職則人思自勉上下同心枉屈可伸強暴自息
書奏惠帝崩及孝莊帝詔求德行文藝政事強直者縣
令郡守刺史皆敘其志業具以表聞三人以上縣令太
守刺史賞一階舉非其人者黜一階凡官郡守縣令六
年爲滿滿後六年乃敘○北齊選舉多沿後魏之制凡
州縣皆置中正其課試之法中書策秀才集書策貢士

考功郎中策廉良天子常服乘輿出坐於朝堂中楹秀
孝各以班草對字有脫誤者呼起立席後書有濫劣者
飲墨水一升文理孟浪者奪席脫容刀初東魏元象中
文襄王高澄秉政攝吏部尙書乃革後魏崔亮年勞之
制務求才實自遷鄴以後掌大選知名者不過數四文
襄年少高郎其弊也疏袁聿脩沈密謹厚所傷者細楊
遵彥風流辯給所取失於浮華唯辛術貞明簡實新舊
參舉管庫必擢門閥不遺衡鑑之美一人而已至孝昭
帝皇建二年詔內外執事官從五品以上三府主簿錄
事參軍諸王文學侍御史廷尉三官尙書郎中中書舍

通典

卷五

舉選二

五

人每在三年之內各舉一人或夙在朝倫沈屈未用或
先官後進今見停散或白屋之人巾褐未釋其高才良
器允文允武理識深長幹具通濟操履凝峻學業宏贍
諸如此輩隨取一長無待兼資方充舉限舉薦之文指
論事實隨能量用必陳所堪不得高談謬加褒飾所舉
之人止在一職三載之內有犯死罪以下刑罪以上舉
主準舉人之犯各罰其金自鞭以下舉主勿論若未經
三載而更餘轉通計後官日月合滿三周凡所舉人必
主事立功裨益時政不限年之遠近舉主之賞亦當非
次被舉之人別當擢授其違限不舉依式罰金又擁旄

作鎮任總百城分符共理職司千里凡其部統理宜委
悉刺史於所管之內下郡太守縣令丞尉府佐錄事參
軍以降州官州官都主簿以下但沾在吏職及前爲官
并白人等竝聽表薦太守則曹掾以下及管內之人亦
聽表舉其大州中州下州畿內上郡中郡竝三年之內
各舉一人其不入品州并自餘郡守不在舉限昔三代
以前天下列國有三卿五大夫二十七士大國三卿二
卿命於天子一卿命於其君小國三卿一卿命於天子
二卿命於其君公侯伯之大夫再命子男之大夫一命
其士以下不命皆國君專之漢初王侯國百官皆如漢

通典

卷五

選舉二

六

朝唯相丞命於天子其御史大夫以下皆自置及景帝
懲吳楚之亂殺其制度罷御史大夫以下官至武帝又
詔凡王侯吏職秩二千石者不得擅補其州郡佐吏自
別駕長史以下皆刺史太守自辟歷代因而不革洎北
齊武平中後主失政多有佞倖乃賜其賣官分占州郡
下及鄉官多降中旨故有敕用州主簿郡功曹者自是
之後州郡辟士之權浸移於朝廷以故外吏不得精覈
由此起也○後周以吏部中大夫一人掌選舉吏部下
大夫一人以貳之初霸府時蘇綽爲六條詔書其四曰
擢賢良綽深思本始懲魏齊之失罷門資之制其所察

舉頗如精慎及武帝平齊廣收遺逸乃詔山東諸州舉明經幹理者上縣六人中縣五人下縣四人至宣帝大成元年詔州舉高才博學者爲秀才郡舉經明行脩者爲孝廉上州上郡歲一人其刺史僚佐州吏則自署府官則命於朝廷○隋文帝開皇七年制諸州歲貢三人工商不得入仕開皇十八年又詔京官五品以上及總管刺史並以志行脩謹清平幹濟二科舉人牛弘爲吏部尚書高構爲侍郎選舉先德行次文才最爲稱職當時之制尙書舉其大者侍郎銓其小者則六品以下官吏咸吏部所掌自是海內一命以上之官州郡無復辟

通典

卷五

選舉二

七

署矣自後魏末北齊以來州郡僚佐已多爲吏部所授至隋一切歸在省司牛弘嘗問於劉焯曰按周禮士多而府史少委任責成幾終考其殿最業不重故文也焯對曰古之掌要且而今之文簿常慮覆理銀鍊不繁悉府史之掌要且而今之文簿常慮覆理銀鍊辛苦甚密萬里追証百年舊案故矜云老吏抱案死今古不同若此之相懸也事繁政弊職此之由弘又問魏齊之時令史從容而已今則不遑寧處其事何由焯曰往者州唯置紀綱郡置守丞縣唯令而已其所事具僚則長官自辟受詔赴任每州不過數十今則不然大小之官悉由吏部纖介之迹皆屬考功所以繁也省官不如省事省事不如清心官事不省而欲從容其可得乎弘甚善其言而不能行之自後周以降選無清濁及盧愷攝吏部尙

書與侍郎薛道衡陸彥師等甄別物類頗爲清簡而詔

勅紛紜愷及道衡皆除名禮部員外郎沈既濟曰選法

寡而惡衆人分九流君子孤而小人羣雖消長迭有而善惡不常此古今之通理然也將退不肖而懲其濫必

懸法以示人而俾人知懼舉善以勸而不仁自遠可以
陰騰而潛移之固難明斥其惡而強擠也暨豔張彝皆
以不及是而敗悲夫斯理甚明蓋非英明之君不可以
語焉故崔毛當魏武而政舉盧薛值隋文而身墜時難
不其然乎煬帝始建進士科又制百官不得計考增級其功
德行能有昭然者乃擢之大業三年始置吏部侍郎一
人分掌尚書職事時武夫參選多授文職大業八年詔
曰頃自班朝治人乃由勳敘拔之行陣起自勇夫蠹政
害人實由於此自後諸授勳官者並不得授文官之職
事

通典

卷十四

選舉二

六

通典卷第十五

唐 京 兆 杜 佑 君 卿 纂

選舉三

歷代制下 大唐

大唐貢士之法多循隋制上郡歲三人中郡二人下郡一人有才能者無常數其常貢之科有秀才有明經有進士有明法有書有算自京師郡縣皆有學焉並具每學篇每歲仲冬郡縣館監課試其成者長吏會屬僚設賓主陳俎豆備管絃牲用少牢行鄉飲酒禮歌鹿鳴之詩徵者艾敘少長而觀焉既饒而與計借其不在館學而舉者

通典

卷五

選舉三

一

謂之鄉貢舊令諸郡雖一二三人之限而實無常數到

尚書省始由戶部集閱而關於考功課試可者為第武德

舊制以考功郎中監試貢舉貞律曰諸貢舉非其人謂

行乖僻不及應貢舉而不貢舉者謂才堪利用一人徒

一年二人加一等罪止徒三年初秀才科等最高試方

略策五條有上上上中上下中上凡四等貞觀中有舉

而不第者坐其州長由是廢絕開元二十四年以後復

而秀才本科無帖經及雜文之限反易於進士主司以

其科廢久不欲收弊應者多落之三十年來無及第者

至天寶初禮部侍郎韋陟始奏請有堪此自是士族所舉者令官長特薦其常年舉送者並停趣嚮唯明經進士二科而已其初止試策貞觀八年詔

加進士試讀經史一部至調露二年考功員外郎劉思立始奏二科並加帖經其後又加老子孝經使兼通之永隆二年詔明經帖十得六進士試文兩篇通文律者然後試策武太后載初元年二月策問貢人於洛城殿數日方了殿前試人自此始長壽三年制始令舉人獻歲元會列於方物前以備克庭因左拾遺劉承慶上疏奏四方珍貢列為庭實而舉人不廁甚非尊賢之意上從之長壽二年太后自製臣軌兩篇令貢

舉習業停老子長安二年教人習武藝其後每歲如明經進士之法行鄉飲酒禮送於兵部開元十九年詔武貢人與明經進士

同行鄉飲酒禮其課試之制畫帛為五規置之於梁去之百有

通典 卷五 選舉三

五步內規廣六尺檠廣六尺餘四規每規內兩邊各廣三尺懸高以三十尺為限列坐引射

名曰長梁弓用一石力又穿土為埒其長與埒均綴皮

為兩鹿歷置其上馳馬射之名曰馬射鹿子長五寸高三寸弓用七斗

以上又斷木為人戴方版於頂上凡四偶人互列埒上

馳馬入埒運槍左右觸必版落而人不踣名曰馬槍槍長

一丈八尺徑一寸五分重八斤其木人上版方二寸五分皆以假好不失者為上兼

有步射穿劄翹關負重身材言語之選通得五上者為

第其餘復有平射之科不拘色役高第者授以官其次

以類升又制為土木馬於里閭間教人習騎天寶六載正月制文武舉人

武之道既惟並用宗敬之儀不可獨闕其鄉貢武舉人上省先令謂太公廟每拜大將及行師剋捷亦宜告廟

神龍二年二月制貢舉人停臣軌依舊習老子開元八年七月國子司業李元瓘上言三禮三傳及毛詩尚書周易等竝聖賢微旨生人敎業必事資經遠則斯道不墜今明經所習務在出身咸以禮記文少人皆競讀周禮經邦之軌則儀禮莊敬之楷模公羊穀梁歷代崇習今兩監及州縣以獨學無友四經殆絕事資訓誘不可因循其學生請停各量配作業并貢人參試之日凡習周禮儀禮公羊穀梁竝請帖十通五許其入第以此開勸卽望四海均習九經該備從之二十一年元宗新注老子成詔天下每歲貢士減尚書論語策而加老子焉

通典

卷五

選舉三

三

二十四年制移貢舉於禮部以待郎掌之因考功員外郎李昂詆訶進士李權文章大爲權所陵誚朝議以郎官地輕故移於禮部遂爲永制二十五年二月制

明經每經帖十取通五以上免舊試一帖仍按問大義十條取六以上免試經策十條令答時務策三道取粗有文理者與及第其進士停小經準明經帖大經十帖取通四以上然後準例試雜文及策考通與及第其明經中有明五經以上試無不通者進士中兼有精通一

史能試策十條得六以上者奏聽進止其應試進士等

唱第訖具所試雜文及策送中書門下詳覆禮部侍郎姚奕奏

元宗方弘道化至二十九年始於京師置崇元館諸州

置道學生徒有差

京師各百人諸州無常員習老莊文列謂之四子蔭第與國子監同謂

之道舉舉送課試與明經同凡舉司課試之法帖經者以所習經掩其兩端中間開唯一行裁紙為帖凡帖三

字隨時增損可否不一或得四得五得六者為通後舉人積

多故其法益難務欲落之至有帖孤章絕句疑似參互者以惑之甚者或上抵其注下餘一二字使尋之難知

謂之倒拔既甚難矣而舉人則有驅懸孤絕索幽隱為詩賦而誦習之不過十數篇則難者悉詳矣其於平文

大義或多牆面焉天寶元年明經停老子加習爾雅十一載禮

部侍郎楊浚始開為三行不得帖斷絕疑似之言也明經所試一大

經及孝經論語爾雅帖各有差帖既通而口問之一經

問十義得六者為通問通而後試策凡三條三試皆通

者為第進士所試一大經及爾雅舊制帖一小經并注開元二十五年改帖

亦并帖注大經其爾雅帖既通而後試文試賦各一篇文通而後

試策凡五條三試皆通者為第經策全通為甲第通四以上為乙第通三帖以

下及策全通而帖經文不通四或帖經通四以上而策不通四皆為不第明法試律令各十

帖試策共十條律七條令三條全通為甲通八以上為乙自七

以下為不第書者試說文字林凡十帖說文六帖字林四帖口試

無常限皆通者為第算者試九章海島孫子五曹張邱

建夏侯陽周髀五經綴術緝古帖各有差九章三帖五經等七部各

一帖綴術六帖緝古四帖兼試問大義皆通者為第凡眾科有能兼

學則加超擢不在常限按令文科第秀才與明經同為

四等進士與明法同爲二等然秀才之科久廢而明經雖有甲乙丙丁四科進士有甲乙二科自武德以來明經唯有丁第進士唯乙科而已先試之期命舉人謁於先師有司卜日宿張於國學宰輔以下皆會而觀焉博集羣議講論而退之禮部閱試之日皆嚴設兵衛薦棘圍之按索衣服譏訶出入以防假濫焉其進士大抵千人得第者百一二明經倍之得第者十一二其制詔舉人不有常科皆標其目而按揚之試之日或在殿廷天子親臨觀之試已糊其名於中考之文策高者特授以美官其次與出身開元以後四海晏清士無賢不肖恥

通典

卷五

選舉三

五

不以文章達其應詔而舉者多則二千人少猶不減千人所收百纔有一

禮部員外郎沈既濟曰初國家自顯

任事參決大政與天子並太后頗涉文史好雕蟲之藝永隆中始以文章選士及永淳之後太后君臨天下二十餘年當時公卿百辟無不以文章達因循日久浸以成風至於開元天寶之中上承高祖太宗之遺烈下繼四聖治平之化賢人在朝良將在邊家給戶足人無苦窳四夷來同海內晏然雖有宏猷上略無所措奇謀雄武無所奮百餘年間生育長養不知金鼓之聲烽燧之光以至於老故太平君子唯門調戶選徵文射策以取祿位此行已立身之美者也父教其子兄教其弟無所易業大者登臺閣小者任郡縣資身奉家各得其足五尺童子恥不言文墨焉是以進士爲士林華選四方觀聽希其風采每歲得第之人不浹辰而周聞天下故忠賢雋彥蘊才毓行者咸出於是而桀姦無良者或有焉故是非相陵毀稱相騰或扇結鉤黨私爲盟歆以取科第而聲名動天下或鉤摭隱匿嘲爲篇

寶應二年六月

禮部侍郎楊綰奏諸州每歲貢人依鄉舉里選察秀才
孝廉敕旨州縣每歲察孝廉取在鄉閭有孝悌廉恥之
行薦焉委有司以禮待之試其所通之學五經之內精
通一經兼能對策達於理體者並量行業授官其明經
進士道舉並停旋復故矣貞元二年六月敕自今以後
其諸色舉選人中有能習開元禮者舉一人同一經例
選人不限選數許集問大義一百條試策三道全通者
超資與官義通七十條策通兩道以上者不在放限其
有散試官能通者亦依正員例處分五年五月敕自今
以後諸色人中有習三禮者前資及出身人依科目選

通典

卷五

選舉二

六

例吏部考試白身依貢舉例禮部考試每經問大義三
十條試策三道所試大義仍委主司於朝官學官中揀
擇精通經術三五人聞奏主司與同試問義策全通爲
上等特加超舉大義每經通二十五條以上策通兩道
以上爲次第依資與官如先是員外試官者聽依正員
例其諸學生願習三禮及開元禮者並聽仍永爲常式
九年五月敕其習開元禮人間大義一百條試策三道
全通者爲上等大義通八十條以上策兩道以上爲次
第餘一切並準三禮例處分仍永爲常式其選授之法
亦同循前代凡諸王及職事正三品以上若文武散官

二品以上及都督都護上州刺史之在京師者冊授王及職事二品以上若文武散官一品並臨軒冊授其職事正三品散官二品以上及都督都護上州刺史並朝堂冊詔皆拜廟冊冊五品以上皆制授六品以下守五品用竹簡書用漆

以上及視五品以上皆敕授凡制敕授及冊拜皆宰司進擬自六品以下旨授其視品及流外官皆判補之凡

旨授官悉由於尚書文官屬吏部武官屬兵部謂之銓選唯員外郎御史及供奉之官則否供奉官若起居補闕拾遺之類雖是

六品以下官而皆敕授不屬凡吏部兵部文武選事各選司開元四年始有此制

分三爲銓尚書典其一侍郎分其二文選舊制尚書掌

六品七品選侍郎掌八品九品選景雲初宋璟爲吏部

通典

卷五

選舉三

七

尚書始通其品員而分典之遂以爲常凡選始於孟冬

終於季春

先時五月頒格於郡縣示人科限而集之初皆投狀於本郡或故在所連罷免之由而上

尚書省限十月至省乃考覈資敘郡縣鄉里名籍父祖

官名內外族姻年齒形狀優劣課最謹負刑犯必具焉

以同流者五五爲聯以京官五人爲保一人爲識皆列

名結款不得有刑家之子工賈殊類及假名承僞隱冒

升降之徒應選者有知人之詐冒而糾得三人以上者

優以授之其試之日除場接棘譏察防檢如禮部舉人之

其擇人有四事一曰身取其體二曰言取其言三曰

書取其楷四曰判取其文四事皆可取則先德行德均

以才才均以勞其六品以降計資量勞而擬其官五品

以上不試列名上中書門下聽制敕處分凡選始集而

試觀其書判已試而銓察其身言已銓而注詢其便利

而擬其官已注而唱示之不馱者得反通其辭他日更其官而告之如初又不馱者亦如之三唱而不馱聽冬集馱者以類相從攢之爲甲先簡僕射乃上門下省給事中讀之黃門侍郎省之侍中審之不審者皆得駁下既審然後上聞主者受旨而奉行焉各給以符而印其上謂之告身其文曰尙書吏部告身之印自出身之人至於公卿皆給之武官則受於兵部兵部武選亦然課試之法如舉人之制取其軀幹雄偉應對詳明有驍勇才藝及可爲統帥者若文吏求爲武選取身長六尺以上籍年四十以下強勇可以統人者武夫求爲文選取

通典

卷五

選舉三

八

書判精工有理人之才而無殿犯者凡官已受成皆殿廷謝恩其黔中嶺南閩中郡縣之官不由吏部以京官五品以上一人充使就補御史一人監之四歲一往謂

之南選凡居官以年爲考六品以下四考爲滿

武德初因隋舊

制以十一月起選至春則停至貞觀三年劉林甫爲吏部侍郎以選限既促多不究悉遂奏四時聽選隨到注擬當時以爲便十九年十一月馬周爲吏部尙書以吏部四時提衡略無休暇遂請取所由文解十月一日起省三月三自高宗麟德以後承平既久人康俗阜求進

者衆選人漸多總章二年裴行儉爲司列少常伯始設

長名姓歷榜引銓注之法又定州縣官資高下升降以爲故事其後莫能革焉至元宗開元中行儉子光庭爲

侍中以選人既無常限或有出身二十餘年而不獲祿者復作循資格定爲限域凡官罷滿以若干選而集各有差等卑官多選高官少選賢愚一貫必合乎格者乃得銓授自下升上限年躡級不得逾越久淹不收者皆荷之謂之聖書雖小有常規而掄才之方失矣此起於後魏崔亮停年之制也其有異才高行聽擢不次然有其制而無其事有司但守文奉式循資例而已初吏部選才將親其人

覆其吏事始取州縣案牘疑議試其斷割而觀其能否此所以爲判也按顯慶初黃門侍郎劉祥道上疏曰今行署等勞滿唯曹司試判不簡善惡雷同注官此則試後日月浸久選人猥多案牘淺近不足判之所起也

通典

卷五

選舉三

九

爲難乃採經籍古義假設甲乙令其判斷既而來者益衆而通經正籍又不足以爲問乃徵僻書曲學隱伏之義問之惟懼人之能知也佳者登於科第謂之入等其甚拙者謂之藍縷各有升降選人有格限未至而能試文三篇謂之宏詞試判三條謂之拔萃亦曰超絕詞美者得不拘限而授職初州縣混同無等級之差凡所拜授或自大而遷小或始近而後遠無有定制其後選人

既多敘用不給遂累增郡縣等級之差

郡自輔至下凡八等縣自赤至

下凡八等

其折衝府亦有差等按格令內外官萬八千八十

五員而合入官者自諸館學生已降凡十二萬餘員文弘

崇文館學生五十員國子大學四門律書算凡二千六百一十員州縣學生六萬七百一十員兩京崇文館學生二百員諸州學不計太史歷生三十六員天文生百五十員太醫童鍼呪諸生二百一十一員太卜卜筮生三十員千牛備身八十員備身二百五十六員進馬六十員齋郎八百六十二員諸三衛監門直長三萬九千四百六十二員諸屯生副千九百八十四員諸折衝府錄事府吏千七百八十二員校尉三千五百六十四員執仗執乘每府六十四員親事帳內一萬員集賢院御書手一百員翰林藥童數百員諸臺省寺監市衛府坊之胥吏及上州軍令錄事

省司補授者約六千餘員其外文武貢士及應制挽郎輦腳軍功使勞徵辟奏薦神童陪位諸以親蔭并藝術百司雜直或恩賜出身受職不爲常員者不可悉數大率約八九人爭官一員初武德中天下兵革方息萬姓

安業士不求祿官不充員吏曹乃移牒州府課人應集

通典

卷五

選舉三

十

至則授官無所退遺四五年閒求者漸多方稍有沙汰貞觀中京師穀貴始分人於洛州選集參選者七千人而得官者六千人時太宗謂吏部尚書杜如晦曰今吏部取人獨舉其言辭刀筆而不詳才行或授職數年然後罪彰雖刑戮繼及而人已弊矣如之何對曰昔兩漢取人必本於鄉閭選之然後入官是以稱漢爲多士今每歲選集動逾數千人厚貌飾辭何可知也選曹但校其階品而已若掄才辨行未見其術上由是將依漢法令本州辟召會功臣議行封建事乃寢他日上又曰夫古今致理在於得賢今公不能知朕不徧識日月其逝

而人遠矣吾將使人自舉如之何魏徵曰知人則智自知則明知人誠難矣而自知豈易乎且自媒自衒士女之醜行是長澆競也不可復寢是時吏部之法行始二十餘年雖已爲弊矣而未甚滂流故公卿輔弼或有未之覺者貞觀十七年吏部侍郎高季輔知選凡所銓錄時稱允愜十八年獨知選事太宗賜金背鏡一面以表其清鑑焉太宗初知其微而未及更因循至於永徽中

官紀已紊迨麟德之後不勝其弊及武太后臨朝務悅人心不問賢愚選集者多收之職員不足乃令吏部大

置試官以處之故當時有車載斗量之謠又以鄧元挺

有唐以來掌選之失無如元挺者時患消渴疾選人因日爲鄧渴作鄧渴詩以謗之許子儒爲侍

通典

卷五

選舉三

七

郎無所藻鑑委成令史依資平配其後諸門入仕者猥衆不可禁止有僞立符告者有接承他名者有遠人無親而買保者有試判之日求人代作者如此假濫不可悉數武太后又以吏部選人多不實乃令試日自糊其名暗考以定等第糊名自此始也有司不能詳求故實剗革其弊神功元年敕自今以後本色出身解天文者進官不得過太史令音樂者不得過大樂鼓吹署令醫術者不得過尚藥奉御陰陽卜筮者不得過太卜令解造食者不得過司膳署令有從動官品子流外國官參佐視品等出身者自今以後不得任京清要等官若累限應至三品不須進階每一階酬勳兩轉

而乃繁設等級遞立選防苟以抑之及神龍以來復置員外官二千餘人兼超授闔官爲員外官者又千餘人

時李嶠居選部引用權勢以取聲名故爾其員外官悉憑特與正官紛競至相毆擊者及嶠復入相乃深悟之上疏請惜班時中宮用事恩澤橫出除官有不由宰相榮稍減除授

特敕斜封便拜於是內外盈溢居無廨署時人謂之三無坐處言宰相御史及員外官也時以鄭愔爲吏部侍郎大納貨賄畱人過多無闕注擬逆用三年闕員於是綱紀大紊及先天以後宋璟爲尙書李又盧從愿爲侍郎方革前弊量闕畱人雖資高考深而非才實者竝罷選當時選者十不收一由是吏曹之職復理矣自有唐以來居吏部者唯馬載裴行儉崔元暉韋嗣立最爲稱職開元十三年元宗又以吏部選試不公乃置十銓試

通典

卷五

選舉三

三

人禮部尙書蘇頌刑部尙書韋抗工部尙書盧從愿右常侍徐堅御史中丞宇文融朝集使蒲州刺史崔琳魏州刺史崔沔荊州長史韋虛心鄭州刺史賈曾懷州刺史王邱各掌其一時左庶子吳兢上表諫曰易稱君子思不出其位言各止其所不侵官也此實百王準的伏見敕旨令韋抗等十人分掌吏部銓選及試判將畢遽召入禁中久定雖有吏部尙書及侍郎皆不得參其事議者皆以陛下曲受讒言不信於有司也然則居上臨人之道經邦緯俗之規必在推誠方能感物抑又聞用天下之智力者莫若使天下信之故漢光武置赤心於人腹良有旨哉昔魏明帝嘗幸至尙書省簿籍曰此是臣之職分陛下欲何之帝曰欲按行尙書文簿矯詔陳矯詭問曰陛下欲何之帝曰欲按行尙書文簿矯詔陳下宜卽還宮帝慙而返又陳平丙吉者漢家之宰相也尙不對錢穀之數不問路死之人故上自天子至於卿士守其職分而不可輒有侵越也況我大唐萬乘之君卓絕千古之上豈得下行選事頓取怪於朝野乎凡是選人書判竝請委之有司仍停此十銓分選復以三銓還明年復故見告身印與曹印文同行用參雜難以

辨分請準司勳兵部印
文加告身兩字從之
至天寶八載六月敕旨授官宜

立攢符下諸郡府十一載楊國忠爲吏部尙書以肺腑
爲相懼招物議取悅人心乃以選人非超絕當畱及藍
縷當放之外其餘常選從年深者率畱故憇愚廢滯者
咸苟焉其明年三銓注官皆自專之於尙書都堂與左
相相偶唱注二旬而畢不復經門下省審侍郎不得參
其議其內常參官八品以上及外官五品以上正員并
停使郎官御史丁憂廢省者舊制中書門下便除授貞
元四年正月制春秋舉薦至五年六月敕在外者委諸
道觀察使及州府長史其在京城者委中書門下尙書

通典

卷五

選舉三

三

省御史臺常參清官并諸使三品以上官左右庶子少
詹事少卿監司業少尹諭德國子博士長安萬年縣令
著作郎郎中中允中舍人祕書太常丞贊善洗馬等每
年一度薦聞至八年正月敕比來所舉人數頗多自今
以後中書門下兩省及御史臺五品以上尙書省四品
以上諸司三品以上應合舉人各令每人薦不得過兩
人餘官不得過一人至九年十一月敕每年冬薦官吏
部準式檢勘成者宜令尙書左右丞本司侍郎引於都
堂訪以理術兼商量時務狀考其理識通者及考第事
跡定爲三等并舉主名錄奏試日仍令御史一人監試

周制三載考績三考黜陟其訓曰三歲而小考其功也小考者正職而行事也九歲而大考有功也大考者黜無職而賞有功也○漢元帝建昭中西羌反日蝕又久青無光召京房問對曰古帝王以功舉賢則萬化成瑞應著末代以毀稱取人故功業廢而致災異宜令百官各試其功災異可息詔房作其事房奏考功課吏法晉灼曰令丞尉理一縣崇教化亡犯法者輒遷有盜賊滿三日不覺者尉事也令覺之自除二尉負其罪率相推如此法帝令公卿與房會議皆以房言煩碎令上下相伺

不可許上意嚮之時諸刺史奏事京師帝召見令房曉

通典

卷五

選舉二

古

以課事諸刺史復以爲不可行唯御史大夫鄭弘光祿大夫周堪言善是時中書令石顯專權友人五鹿充宗爲尚書令與房同經議論相非時充宗嫉房出爲魏郡太守唯許房至郡自行考課法○魏明帝時以士人毀稱是非混雜難辨遂令散騎常侍劉劭作都官考課之法七十二條考覈百官其略欲使州郡考士必由四科皆有效然後察舉或辟公府爲親人長吏轉以功次補郡守者或就秩而加賜爵焉至於公卿及內職大臣率考之事下三府是時大議考課之制散騎黃門侍郎杜君務伯名想以爲用不盡其人雖文具無益上疏曰書稱

明試以功三考黜陟帝王之盛制然歷三代而考績之法不著關七聖而課試之要未立臣誠以爲其法可粗依其詳難備舉故也語曰世有亂人而無亂法若使法可專任則唐虞可不須稷契之佐殷周無資伊呂之輔矣今秦考功者陳周漢之云爲掇京房之本旨可謂明考課之要至於崇揖讓之風興濟濟之理臣以爲未盡善也古之三公坐而論道內職大臣納言補闕無善不紀無過不舉且天下至大萬幾至衆誠非一明所能徧照故君爲元首臣爲股肱明一體相資而成也後考課竟不行○晉武帝泰始初務崇理本詔河南尹杜君元

通典

卷五

選舉三

五

也今科舉優劣莫若委任達官各考所統在官一年以後每歲言優者一人爲上第劣者一人爲下第因計偕以名聞如此六載主者總集採案其六載處優舉者超用之六載處劣舉者奏免之其優多劣少者敘用之劣多優少者左遷之今考課之品所對不均誠有難易若以難取優以易而否主者固當準量輕重微加降殺不足復曲以法書也○後魏孝文帝太和申詔曰三載考績自古通經三考黜陟已彰能否今若待三考然後黜陟可黜者不足爲遲可進者大成賒緩是以朕今三載一考考卽黜陟欲令愚滯無妨於賢者才能不壅於下

通典

卷五

選舉三

六

位各令當曹考其優劣爲三等六品以下尙書重問五品以上朕將親與公卿論其善惡上上者遷之天下者黜之中中者守其本任時否臧必舉賞罰大行其薄賞者猶賜車馬器服以申勸後帝臨朝堂顧謂錄尙書兼廷尉卿廣陵王羽曰凡考績上下二等可爲三品中等但爲一品所以然者上下是黜陟之科故旌絲髮之美惡中等守本事理大通帝又謂尙書等曰卿等在任年垂二周末嘗進一賢退一不肖此二事罪之大者謂羽曰汝居樞端之任在職以來功勤之績不聞於朝阿黨之音頻于朕聽今黜汝錄尙書廷尉但居特進太保

自尙書令僕射以下凡黜退二十餘人皆略舉遺闕諸如此黜官者令一年之後任官如初宣武帝時太尉侍中高陽王雍上表曰竊惟三載考績百王通典令任事上中者三年升一階散官上第者四載登一級閒冗官本非虛置或以賢能而進或因累勤而舉如其無能不應忝茲高選以勤以能進之朝任或征官外戍遠使絕域催督逋懸察檢州鎮皆是散官以充劇使乃於考陟排同閒伍檢散官之人才非皆劣稱事之輩未必悉賢而考閒以多課煩以少上乘天澤之均下生不等之苦復尋正始之格汎後任事上中者三年升一階汎前任事上中者六年進一級三年一考自古通經今以汎前六年升一階檢無僭犯倍年成級以此推之明以汎代考也徐州刺史蕭寶夤又論曰方今守令厥任非輕及考課悉以六載爲程旣而限滿代還復經六年而敘是則歲周十二始得一階於東西兩省文武閒職公府散佐無事冗官或數月方應一直或弦朔止於暫朝及其考日更得四年爲限是則一紀之內便登三級彼以實勞劇任而遷貴之路至難此以散位虛名而升陟之方甚易何內外之相懸令厚薄之如是孝明帝延昌二年又將大考百僚散騎常侍領三公郎中崔鴻以考令於

體例不通乃建議曰竊惟王者爲官求才使人以器黜陟幽明揚清激濁故績效能官才必稱位者朝升夕進年歲數遷豈拘一階半級閔以同僚等位者哉二漢以降太和以前苟必官須此人稱其職或超騰轉陟數歲而至公卿或長兼試守稱允而遷進者披卷則人人而是舉目則朝貴皆然故能時收多士之稱國號豐賢之美竊見景明以來考格三年成一考轉一階貴賤內外萬有餘人自非犯罪不問賢愚莫不上中才與不肖比肩同轉雖有善政如龔黃儒學如王鄭才史如班馬文章如張蔡得一分一寸必爲常流所攀選曹亦抑爲

通典

卷五

選舉三

七

一槩不曾甄別琴瑟不調改而更張雖明旨已行猶宜消息時不從○大唐考課之法有德義清慎公平恪勤各一善自近侍至於鎮防並據職事日爲之最凡二十七焉一最以上有四善爲上上一最以上有三善或無最而有四善爲上中一最以上有二善或無最而有三善爲上一最以上有一善或無最而有二善爲中上一最以上或無最而有一善爲中中職事麤理善最弗聞爲中下愛憎任情處斷乖理爲下上背公向私職務廢闕爲下中居官諂詐及貪濁有狀爲下下若於善最之外別有可嘉尙及罪雖成殿而情狀可矜或雖不成

殿而情狀可責者省校之日皆聽考官臨事量定諸州縣官人撫育有方戶口增益者各準見戶爲十分論每

加一分刺史縣令各進考一等

增戶口謂課丁率一丁同一戶法增不課口者

每五口同一丁例其有破除者得相折其州戶口不滿五千縣戶不滿五

百者各準五千五百戶法爲分若撫養乖方戶口減損

者各準增戶法亦每減一分降一等

課及不課並準上文

其勸課

農田能使豐殖者亦準見地爲十分論每加二分各進

考一等

此謂永業口分之外別能墾起公私荒田者

其有不加勸課以致減

損者

謂永業口分之外有荒廢者

每損一分降考一等若數處有功

並應進考者並聽累加貞觀六年監察御史馬周上疏

通典

卷五

選舉三

五

曰今流內九品以上有九等考第自比年不過中上未

有得上下以上考者臣所謂設九等正考當今之官必

不施之於異代也縱使朝廷實無好人猶應於見在之

內比較其猶善者以爲上第豈容皇朝士人遂無堪上

下之考朝廷獨知貶一惡人可以懲惡不知褒一善人

足以勸善臣謂宜每年選天下政術尤最者一二人爲

上上其次爲上中其次爲上下則中人以上可以自勸

矣神龍中御史中丞盧懷慎上疏曰臣聞孔子曰爲邦

百年可以勝殘去殺又曰苟有用我者期月已可三年

有成故書云三載考績校其功也子產賢者也其爲政

尙累年而成況其常材乎竊見比來州縣官佐下車
布政有多者一二年少者三五月遽卽遷除不論課考
或歷時未改便傾耳而聽企踵而視爭求冒進不顧廉
恥亦何暇宣風布化求瘼恤人哉戶口流散百姓凋弊
職爲此也何則人知吏之不久則不從其吏吏知遷之
不遙又不盡其能偷安苟且脂韋而已又古之爲吏者
長子孫倉氏庾氏卽其後也臣請都督刺史上佐兩畿
縣令等在任未經四考不許遷除察其課效尤異或錫
以車裘或就加秩祿或降使臨問并璽書慰勉若公卿
有闕則擢以勸能政績無聞抵犯貪暴者放歸田里以
明賞罰致理拔弊莫過於此左監門錄事參軍劉秩論
曰昔周公使伯禽理魯三年而後報政周公曰何遲伯
禽曰變其理易其俗難所以遲太公理於齊三月而後
報政周公曰何疾曰因其俗簡其禮易所以速故孔子
論之曰齊一變至於魯魯一變至於道由是而言勞不
甚者理不極功不積者澤不深故堯舜三年而考三考
而黜陟所以能盡其智術也近古人情敦龐未淳乎堯
舜禮正樂和未愈於虞夏官賢吏能未稱於殷周或一
年而考或四考黜陟或比年而巡狩或歲時便遷或旬
月升擢令長今日旣上明日部內有犯名義者卽坐之

不其速歟開元二十五年十二月命諸道采訪使考課
官人善績三年一奏永爲常式以二十七年二月赦文
三載考績黜陟幽明允協大猷以勸天下比來諸道所
通善狀但優仕進之輩與爲選調之資責實循名或乖
古義自今以後諸道使更不須通善狀每至三年朕自
擇使臣觀察風俗有清白政理著聞者當別擢用之

通典



卷五

選舉二

三



07217



